

# *IREO ASA NO FINOANA VOASEHO*

 Misaotra anao. Tsara ny tonga eto, izao hariva izao, indray. <sup>1</sup> Tsy fantattro hoe ahoana no nahitan'izy ireo fa hivavaka ho an'ny marary aho. Niditra ny olona rehetra mba hivavahana. Fantatrareo, mino aho fa raha manaraka ny fitarihan'ny Fanahy ianareo, dia tena tsara izany. Izany no tsara indrindra, izany no Hafatra iray izay tsy mety diso mihitsy.

<sup>2</sup> Ankehitriny, nipetraka tao amin'ny efitra aho androany, taorian'ny...mpitoriteny iray izay tena malala amin'ny foko mihitsy (telo amin'izy ireo), telo amin'ireo tena skaizako tsara, niteny tamiko izy ireo fa tonga mba handeha hisakafo miaraka amiko. Dia nieritreritra aho hoe, “Eny, tena mahafinaritra mihitsy izany,” fantatrareo.

<sup>3</sup> Noho izany izaho—izaho dia nihinana sakaf maraina kely fotsiny satria azoko antoka fa izy ireo no handoa an’izany, hitanareo, ary izaho...dia hanana sakaf hariva feno tsara iray. Noho izany tonga ny tamin’ny 12:00, ary tonga ny tamin’ny 1:00, ary tonga ny tamin’ny 2:00, tsy mbola nisy olona teo. Noho izany dia nisy...nanenjika jiolahy iray ny polisy, teo an-tokotany, ary nidina aho noho izany mba hijery an’ilay zava-miseho. Tsy nety nahita an-dRahalahy Jack mihitsy aho. Noho izany, hitako, fa nomeroa diso no nomen’ilay lehilahin’ny hotely azy; ary izy dia nampaneno teo amin’ilay varavarana tsy izy, foana, nef a izaho—izaho tsy tao. Izaho dia hanao azy handoa ho ahy, anankiray indray, na izany aza, indray andro. Izy sy Rahalahy Tracy, tena azoko antoka fa faly aho mahita azy ireo sy Rahalahy Brown izao hariva izao. Izany dia toy ny hoe tokony hiverina any Arizona fotsiny indray izahay.

<sup>4</sup> Tsaroako teo am-pitetezana an’ilay tany efitra indray andro. Niteny tamin’ny vadiko aho, iry aoriania iry, hoy aho hoe, “Teto no nisy an-dRahalahy Jack nipetraka tao aorian’io Chevrolet kely io.” Izy sy Rahalahy Brown dia niady hevitra tanteraka nikasika ny—ny famoronana tany am-boalohany, na vita tao anatin’ny enina andro ilay izy na vita tao anatin’ny enina tapitrisa taona. Izany no anankiray tsara.

<sup>5</sup> Tena niady hevitra izy ireo, nivoaka izy ireo dia naka vato eran’ny tānana, ka ny anankiray niafina tao ambadiky ny andry iray, ary ny anankiray tao amin’ny iray hafa, ary nifampitorabato mafy mihitsy arak’izay vitany. Tsy afaka nandamina an’ilay izy tahaka an’izany izy ireo, nanao hoe, “Afaka mihazakazaka mihoatra anao aho.” Nidina teny amin’ilay lālana izy ireo; Rahalahy Jack, lehilahy fohy kely iray, niolanolana mafy arak’izay vitany mihitsy; ary Rahalahy Young niaraka tamin’ireo

ranjo lava, fantatrareo. Tsy mbola nihomehy betsaka tahaka an'izany mihitsy aho teo amin'ny fiainako!

<sup>6</sup> Avy eo, niverina tao amin'ny fiara i Rahalahy Jack ary nanala ny kirarony. Nanome anay voasary eran'ny harona goavana be iray i Rahalahy Sharrit, ary laniny ny antsasak'izy ireo talohan'ny nahatongavanay tany Shreveport.

<sup>7</sup> Fantatrareo, andro volamena izany, na izany aza. Eny, tompoko, andro volamena izy ireo. Fantattro fa toy ny hoe kivazivazy ilay izy, mahatsikaiky, saingy izany no fahamarinana. Fa isika... misy zavatra iray mikasika an'izany, rehefa miha-antitra ianareo ka manomboka mahatsiahya ao amin'ny sainareo. Mieritreritra an'ireny andro ireny ianareo izay irinareo ho azonareo iainana indray, marina izany, ireo andron'ny fahatanoranareo. Ary satria miha-antitra isika, dia lasa sary izy rehetra. Tena faly aho fa izany no fiombonana madio sy masina, ary ara-pirahalahiana, ao amin'ny fitiavana. Eo am-pahafantarana fa handeha ho any amin'ny Tany iray izay tsy haha-antitra antsika intsony isika, izay... ilay Tany malaza, any, izay tsy hahatonga antsika intsony, ho lasa antitra na ho faty intsony.

<sup>8</sup> Ny anankiray amin'ireo rahalahintsika sarobidy, tena malala amintsika rehetra, dia vao avy niampita nankany amin'io Tany io. Ary isaky ny tonga eto amin'ity lampihazo ity aho, izaho—izaho dia mihevitra fa hieritreritra an-dRahalahy Lyle. Nandinika aho omaly hariva ary nahita an'i Judy kely nипetraka tery, ka niemponepona mihitsy ny foko, nieritreritra aho hoe ahoana no tsapany. Ary fantattro rehefa maty i dada hoe ahoana.... Fa tsy maintsy mandalo amin'ireo sekolin'ny fahoriania ireo fotsiny ihany isika mba hahafantarana hoe ahoana no tsapan'ilay olona hafa.

<sup>9</sup> Inoako fa mijery sakaiza mpitoriteny antitra iray aho izay mipetraka eto. Tsy afaka miantso azy fotsiny aho. Marina ve izany, nivavaka ho an'ny marary teto ianao taloha, hatramin'izay, taona maro lasa izay? [Hoy ny olona iray hoe, "Gerholtzer."—Mpand.] Gerholtzer, ilay—ilay anarana Alemandy, tsy afaka nahatadidy tsara an'ilay izy mihitsy aho. Rahalahy Tracy, nihaona taminy aho tao ivelany tao. Ary teo amin'ny folo taona teo no nahafantarako azy, ka hoy aho hoe, "Tsy niha-antitra enim-bolana ianao tao anatin'izay folo taona izay." Miaina ao amin'ny tontolo iray izay tsy maintsy hitsahatra indray andro any isika.

<sup>10</sup> Ankehitriny, izao hariva izao, izaho dia.... Nihazona anareo tena tara aho omaly hariva, hiezaka tsy hanao an'izany aho izao hariva izao. Hamarana ny tantarako; nieritreritra aho, izao hariva izao, ny amin'ny fitoriana eo amin'ny—ny lohateny hoe ny *Fampakarana*, ho an'ny fiangonana. Ahoana ireo toerana, araka ny ahitako azy ao amin'ny Soratra, inona no toerana tokony

hisy an'ilay Fiagonana ho an'ny Fampakarana, ary inona no hiseho alohan'ny hisehoan'ny Fampakarana mihitsy, ary ahoana no hisehoan'izany. Fa mino ny Fampakarana isika rehetra, sa tsy izany? Mino an'Izany isika. Ary avy eo, tampoka teo, dia nisy Zavatra nanao fotsiny hoe, "Mivavaha ho an'ny marary, izao hariva izao." Ary vao avy nihinana ny sakafo harivako niaraka tamin'ny rahalahy kely Meksikana iray aho teo, nidina aho ary naka azy teny an-dàlambe. Ataoko fa eto izy izao hariva izao, izy sy ny vadiny.

<sup>11</sup> Ary tonga ny olona iray tamin'izay fotoana izay, nanome ahy fijoroana vavolombelona iray. Hoy izy, "Raha...Eo amin'ireo tany na ao amin'ny fiagonana," hoy izy, "dia misy lehilahy iray ao, izay, mino aho fa efa herintaona lasa izay, ka nuditra tao amin'ilay laharan'ny famantaranana izy." Dia nieritreritra aho, izao hariva izao, ny hanana laharam-bavaka iray amin'ny fanao fahiny fotsiny, tahaka an-dRahalahy Jack sy Rahalahy...

<sup>12</sup> Rahalahy Young Brown no nizara ny karatra fangataham-bavaka ho ahy taloha. Ary nahita azy ho tena mahitsy fo aho ka tsy mbola nahatratra azy mihitsy nivarotra karatra iray na nanao zavatra ratsy, tena mahitsy izy. Ary efa nahatratra azy ireo nanandrana nanao an'izany izahay, fantatrareo. Noho izany—oho izany isika...Rahalahy Young, marina teo amin'ilay asa foana izy hatramin'izay, sady mahatoky. Ary tsaroako, nitsangana izy taloha ary naka an'ireo karatra, ka nitondra azy ireny avy teo amin'ilay laharana. Nivavaka ho azy ireo aho ary nandroso hatrany izy ireo, ilay finoana tsy mifangaro izay nananan'ny olona mihitsy, raha afaka nanakaiky anareo fotsiny izy ireo dia sitrana. Ary neveriko fa nisy fahasitranana roapolo teo amin'ny anankiray, noho izay ananantsika ankehitriny izao.

<sup>13</sup> Noho izany, ity tantara ity dia tonga izao tolakandro izao mikasika ny lehilahy iray, eto angamba izy ankehitriny. Fa tao amin'ilay laharam-bavaka izy, herintaona lasa izay, tany ho any, ary—ary izy dia nanana...nilaza, voalaza tao amin'ilay famantaranana fa voan'ny tsitongan-dronono izy. Ary niteny taminy ireo dokotera, rehefa vaky ireo tsitongan-dronono, fa tsy afaka banana zanaka vavy iray intsony izy, nefo nila anankiray foana. Neveriko fa nanana zanaka lahy izy. Saingy tao amin'ilay fahitana avy tamin'ny Tompo, dia izao no nolazaina taminy, "Fa ianao dia hahazo an'io zanaka vavy io."

<sup>14</sup> Ary nilaza izy fa mitondra an'ilay zazavavy kely eto izao hariva izao. Tsy fantattro ilay lehilahy, mety...ho—ho ato amin'ny mpanatrika ve izy, na ilay—ilay olona izay niresaka an'izany tamiko? Any ho any? Tsy fantattro, olona iray fotsiny no niteny tamiko mikasika an'izany, tao ivelany. Oh, io ilay zazakely mihilangilana iry aoriana iry mihitsy ato, mipetraka iry mihitsy. Mahafinaritra izany. Tena mahafinaritra izany. Zaza tsara tarehy kely toy ny inona. Raha tsy dia lavitra loatra ilay

izy ka hitetezana ny olona rehetra mba...tena mahafatifaty, zaza kely, dia ho nasaiko nanketo izy ka hijoro vavolombelona. Angamba rahampitso izy no hanao, na indray andro any rehefa manana ny favorantsika isika.

<sup>15</sup> Ankehitriny, rahampitso maraina no Sakafo marainan'ny Business Man. Efa nolazainareo ve izany? Heveriko, izy rehetra...Mahafinaritra izany.

<sup>16</sup> Ary ndao isika ankehitriny hanana lesona kely—kely iray eo amin'ny fanasitranana avy amin'Andriamanitra. Firy no mino an'izany? Oh, oadray, ho hariva lehibe iray izao, rehefa manana finoana tahaka an'izany ianareo. Ireo olona izay mino an'izany, dia izany no ilaina. Ho an'ireo mpino izany.

<sup>17</sup> Ankehitriny, noho izany, dia naka pensily iray aho ary nanomboka nandray naoty lahateny sasantsasany sy ny sisa, ary ny...ary tamin'izay fotoana izay no nandondôna teo ambaravarana i Billy ka hanao hoe, “Dada?”

<sup>18</sup> Hoy aho hoe, “Andraso vetivety fotsiny, mbola tsy vitako ilay izy.”

<sup>19</sup> Hoy izy hoe, “Fa, miandry anao Rahalahy Jack.” Noho izany, izaho—izaho dia tsy maintsy tonga. Naraikitro, tsy nanana fandraiketan-taratasy aho, ka naka ny anankiray tamin'ireo “paingotra johnny” an'i Meda na karazana paingotra iray eto izay antsoin'izy ireo hoe “paingo-bolo.” Izay ilay izy, “paingo-bolo,” karazana paingotra iray fotsiny. Ary—ary tsy mahafantatra betsaka mikasika an'ireny zavatra ireny aho, fantatrareo, fa njery an'izany nipetraka teo fotsiny. Noho izany, ankehitriny mba hanaovana an'ilay izy ho fandraiketan-taratasy iray, mba hanasarahana an'izay nataoko...nanana naoty sasantsasany aho ho an'ny maraina; nosarahako izy ireo, ny anankiray amin'ilay hafa.

<sup>20</sup> Ary satria miha-antitra aho...taloha dia afaka nahatsiaro tena mora fotsiny an'ireo Soratra sy ny sisa aho. Fa, fantatrareo, somary sarotra hatao izany. Mahita an'izany olana izany ve ianao, Rahalahy Jack, ihany koa? Marina izany, hia. Niteny tamin-dRahalahy Jack aho, teto vao tsy ela akory izay, hoy aho hoe, “Fantatrao, Rahalahy Jack,” hoy aho, “lasa tena tsy afaka mahatsiaro aho.” Hoy aho hoe, “Manomboka milaza zavatra iray aho, ary tsy maintsy miandry.”

Hoy izy hoe, “Izany—izany ihany ve no farany lavitra misy anao?”

Dia hoy aho hoe, “Eny, tsy efa tena lavitra ve izany?”

<sup>21</sup> Hoy izy hoe, “Tsia.” Hoy izy, “Izaho no miantso olona iray amin'ny telefona nefá manao hoe ‘Inona no ilainao?’” Nihevitra aho fa nivazivazy tamiko ianao tamin'izany, Rahalahy Jack, saingy hitako hoe tena marina izany.

<sup>22</sup> Eny, tompoko. Oadray, toy ny ahoana no anadinoinareo. Fa ndao isika hanao ny asantsika rehetra ho vita tsara, satria ao amin'ny boky iray izy ireny, firaketana iray izay tsy maintsy halefa amin'ny andron'ny fitsarana.

<sup>23</sup> Ankehitriny, toy ny fianakaviana goavana iray isika. Ary tsy mihevitra aho fa mifandray isika izao hariva izao, manerana ny firenena, tahaka ny nitoriaiko ny hafatro omaly hariva. Heveriko fa ilay fiangonana eto an-toerana eto fotsiny angamba izao. Noho izany, omaly hariva, dia azo antoka fa mankasitraka ny fanajanareo tamin'ny fitsangananana aho... Izaho tsy miezaka... Izaho tsy niezaka ny hanararaotra an-dRahalahy Jack. Fa niteny tamiko foana izy hoe, "Lazao izay tianao lazaina." Ka noho izany dia tonga teto amin'ny lampihazo fotsiny aho ary nitory foto-pampianarana kely iray. Fa, noho izany fotsiny isika... raha ny sasany amin'ireo rahalahiko ara-anaram-piangonana.

<sup>24</sup> Nanananofy iray aho, indray maraina. Tsy manofy matetika loatra aho, tsy mpanonofy aho. Fa izaho—izaho dia nanonofy fa nahita lehilahy iray, lehilahy tanora iray nisy rojo vy, ary niezaka ny ho afaka izy, ary—ary hoy aho hoe... Nisy olona iray niteny tamiko, nanao hoe, "Olona mahatsiravina ireo, aza manao na inona na inona amin'ireo."

<sup>25</sup> Ary hitako io lehilahy tanora io niala tamin'ireo rojony vy noho izany dia navelako nipetraka tsara fotsiny izy. Nieritreritra aho hoe, "Hijery fotsiny an'izay ataony aho." Noho izany rehefa niala izy, lehilahy mahafinaritra iray izy. Ary nahita an'ireo hafa niezaka niala aho.

<sup>26</sup> Ankehitriny,nofy fotsiny ihany izao. Ary nandeha tamin'ity lèlana ity aho ka nahita ny—ny rahalahy iray, Roy Borders, tena sakaizako tsara iray, mipetraka any California. Toy ny hoe nisy zavatra tsy nety, ny masonry dia nikimpy ny antsasany, ary goavana be... angamba homamiadana na zavatra iray no teo ambonin'ny masonry. Ary izaho... nisy olona iray niezaka nisintonia ahy hanalavitra azy. Niantsoantso aho hoe, "Rahalahy Borders! Amin'ny Anaran'ny Tompo Jesosy, endaho io!"

<sup>27</sup> Ary zara izy raha afaka niteny, nanao hoe, "Rahalahy Branham, hila zavatra betsaka noho izao ilay izy. Tsy afaka mamihina an'ilay izy mihitsy aho, Rahalahy Branham. Tsy afaka mamihina an'ilay izy mihitsy aho."

<sup>28</sup> Hoy aho hoe, "O Rahalahy Borders." Tiako izy.

<sup>29</sup> Ary nisy olona iray nisintonia ahy niala, dia nojereko, ka ramatoa iray izany izay nitsangana teo amin'izay nisy ahy, fony aho mbola zazalahy kely, izaho—izaho taloha no nitatittra an'ireo entam-barotra avy tao amin'ilay toeram-pivaratana nankany amin'ireo olona. Ary ny anarany dia Rtoa. Fenton, mbola mipetraka ao Jeffersonville izy, tena sakaizako sy ny vadiko manokana.

<sup>30</sup> Dia hoy izy hoe, “Ranadahy Branham, afaho amin’ity izahay.” Hoy izy, “Tranon’ny helo iray ity.” Hoy izy, “Diso fahazoana ianao.” Ary hoy izy, “Ireto... Ary ianao—ianaо dia diso fahazoana an’ireo olona ireo, ihany koa.” Hoy izy, “Olona mahafinaritra ireo, saingy...” Fa njery teo aho, ary toy ny vanònà goavana be iray, na—na rindrina goavana, zohy goavana be iray ny tao amin’ny farany ambany; ary fefy vy goavana, valo na folo inches ny hateviny. Ary ireo olona, very saina, folaka ny sandriny sy ny ranjony, nanakapoka ny lohany tahaka an’izao. Dia nitomany izy, nanao hoe, “Afaho ireo olona, Ranadahy Branham.” Hoy izy—hoy izy, “Ampio izahay, ao anatin’ny olana izahay.” Izy tenany, fantattro izy, izy dia mikambana amin’ny... Mino aho fa ny fiangonan’i Kristy, na ilay fiangonana Kristiana, antsoina hoe Fianganon’ireo Rahalahy. Noho izany izy...

<sup>31</sup> Nijery manodidina aho, ka hoy aho hoe, “Maniry aho ny hahavita.” Ary nanohy aho, nijery manodidina; ary izaho...ny vatako kely, bitika ary—ary ireo fefy vy lehibe, goavana; sy ireo olona mahantra ao ireo. Fa tsy afaka nanatona azy ireo ianareo, niara-napetraka nifanakaiky ireo fefy vy ireo. Dia nijery aho, ary nanakapoka ny lohany toy ny hoe very saina izy ireo.

<sup>32</sup> Ary nahita hazavana maromaro aho nitsilopilopy nanodidina tao. Dia niandrandra aho, ary nitsangana teo ny Tompo Jesosy niaraka tamin’ny—ny—ny hazavan’ny avana iray nanodidina Azy. Nijery mahitsy taty amiko mihitsy Izy, nanao hoe, “Afaho ireo olona ireo.” Dia lasa Izy.

<sup>33</sup> Ary nieritreritra aho hoe, “Eny, ahoana no hahafahako manafaka azy ireo? Izaho—izaho tsy manana hery betsaka eo amin’ny sandriko hanapaka an’ireo fefy ireo.”

<sup>34</sup> Hoy aho noho izany hoe, “Ry tranon’ny helo, mirodàna eo amin’ny Anaran’i Jesosy Kristy.”

<sup>35</sup> Ary ny fidridrodroraana rehetra sy ny fipoahana, sy—sy ireo vato nikodiadia, ary—ary nilatsaka ireo fefy; dia nihazakazaka ny olona, niantsoantso hoe, “Afaka!” sady niantsoantso tamin’ny faratampon’ny feony, ka afaka izy rehetra.

<sup>36</sup> Ary niantsoantso aho tamin’izay hoe, “Rahalahy Roy Borders, aiza ianao? Aiza ianao? Manafaka ny Olony Andriamanitra! Aiza ianao, Rahalahy Borders?” Nanontany aho ny mikasika an’izany.

<sup>37</sup> Fantatrareo, tena natahotra i Rahalahy Borders. Fantatrareo ilay faminaniana, ny rehetra...maro aminareo no mahafantatra, mandray an’ireo horonam-peo sy ny sisa ianareo, mikasika ny Morontsiraka Andrefana.

<sup>38</sup> Misy an’ireo lehilahy mipetraka eto mihitsy, izao hariva izao, izay tany rehefa nitranga izany (rehefa nitsangana tany izahay, teo amin’ny dia fihazana iray), mpitoriteny iray izay nihaino omaly hariva. Niaraka tamin’ny maso iray jamba, tonga teo fotsiny izy ary hoy izy hoe...nampahafantatra ny tenany.

Nanao solomaso miloko izy, tany ambonin'ilay tendrombohitra. Hoy izy hoe, "Rahalahy Branham," hoy izy, "izaho no Rahalahy McHughes." Hoy izy hoe, "Izaho—izaho no nanampy nanohana ny iray tamin'ireo favorianao indray mandeha, tany California."

<sup>39</sup> Hoy aho hoe, "Faly mahafantatra anao aho, Rahalahy McHughes."

<sup>40</sup> Noho izany nisy lehilahy teo amin'ny roapolo teo nitsangana tany. Teo am-pihazana kisoa dia izahay. Ary nilaza aho, ny andro talohan'ny niakarana teny an-tendrombohitra, nilaza tamin-dRahalahy Banks Wood aho... Mahafantatra azy ianareo rehetra, sakaiza manokana. Hoy aho hoe, "Rahalahy Wood,...". Naka vato iray aho ka natsipiko teny amin'ny habakabaka izany, ary nidina ilay izy. Dia hoy aho hoe, "HOY NY TOMPO HOE, misy zavatra iray natao hitranga."

<sup>41</sup> Noho izany, hoy izy hoe, "Inona ilay izy, Rahalahy Branham?"

<sup>42</sup> Hoy aho hoe, "Tsy fantattro, fa ao anatin'ny efatra amby roapolo ora dia ho hitanao. Misy zavatra iray izay natao hitranga. Famantarana lehibe iray izany."

<sup>43</sup> Ary ny ampitso...tolakandro tara anankiray izany. Ny ampitso, teo amin'ny folo ora teo, dia nivonona ny hivoaka izahay. Nahazo ny kisoa diany ny olona rehetra, ary nitsangana teo izahay. Ary Rahalahy Mc Anally, fantatrareo, sy izy rehetra, nanamboatra azy ireo izy ireo, ary—ary izaho sy Rahalahy Borders; ary Rahalahy Roy Roberson, mpiady tranainity mandringa iray, tena sakaiza malalako, sarobidy, ary nitsangana teo izy. Dia niandrandra aho, ary hoy Rahalahy McHughes hoe, "Rahalahy Branham, mba miseho aminao ve ilay Anjelin'ny Tompo rehefa any amin'ireto dia fihazana ireto ianao?"

<sup>44</sup> Hoy aho hoe, "Rahalahy McHughes, eny. Marina izany. Saingy, tonga eto aho mba hiala sasatra kely."

<sup>45</sup> Hoy izy hoe, "Eny àry, Rahalahy Branham," hoy izy, "tsy hoe te-hanelingelina anao aho."

<sup>46</sup> Hoy aho hoe, "Tsy nanelingelina ahy ianao."

<sup>47</sup> Dia nijery nanodidina fotsiny aho, ary nahita dokotera iray nijery ny masonry. Ankehitriny, tsy nahafantatra azy aho, nanao solomaso mainty izy, izay tena namiratra ary nisy masoandro be tany Arizona. Dia nojereko ilay izy, ary nahita dokotera iray aho niteny taminy, nanao hoe, "Tom pokolahy, efa nitsabo an'io maso io nandritry ny taona maro aho, roa taona, zavatra tahaka an'izany." Hoy izy, "Ilay aretina izay anananao eo amin'ny masonao, hahavery ny masonao ianao. Mihinana ny ao anatin'ny fahitana ilay izy, ka tsy misy fomba azoko hampijanonana azy."

<sup>48</sup> Ary hoy aho hoe, "Ny antony nanontaniana ahy an'izany, dia noho ny masonao. Ireo solomaso ho an'ny masoandro ireo dia satria fotsiny manana maso iray ratsy ianao."

<sup>49</sup> Hoy izy hoe, “Marina izany.”

<sup>50</sup> Hoy aho hoe, “Ny dokoteranao,” (nolazalazaiko ny aminy) “izy no niteny taminao, andro vitsy lasa izay, hoe ‘Hahavery an’io maso io ianao satria ilay—ilay aretina dia mihinana ny ao anatin’ilay maso.’ Ary efa nitsabo azy nandritry ny roa taona izy, nefä tsy afaka nampijanona an’izany.”

<sup>51</sup> Hoy izy hoe, “Rahalahy Branham, izany no fahamarinana.”

<sup>52</sup> Dia nanomboka nitodika nanodidina aho ary njery, ka hitako ny—ny vehivavy iray izay antitra lavitra noho izy, somary miloko mainty. Avy any Arkansas any ho any izy ireo. Ary noho izany izy dia nanainga ny—ny—ny zipony ka nampiseho ny tongony tamin’ny zananilahy, ka hoy izy hoe, “Anaka, raha mahita an-dRanadahy Branham ianao, dia teneno izy mba hivavaka ho an’ny tongotro.” Ary nanana fivontosana lava be izy nihantona teo anelanelan’ireo rantsan-tongony sy ny sisa.

<sup>53</sup> Hoy aho hoe, “Vehivavy fotosy volo ny reninao, ary nanainga ny zipony izy, nanala ny—ny ban-kirarony ka nampiseho ny tongony taminao, ary nilaza fa raha mahita ahy ianao dia hiteny aminao mba hivavaka ho azy.”

<sup>54</sup> Ary hoy izy hoe, “Oh, mamindrà fo.”

<sup>55</sup> Nitodika aho ary nahita azy nitsangana teo tsy nanao solomasso, fahitana, hoy aho hoe, “HOY NY TOMPO HOE, efa nanasitrana ny masonao Andriamanitra, sady manasitrana ny reninao, ihany koa.”

<sup>56</sup> Saiky tamin’io fotoana io, nitodika nanodidina aho... Ankehitriny, misy lehilahy mipetraka eto, izay nitsangana tany. Nilaza tamin-dRahalahy Roy Borders aho...na Rahalahy Roy Roberson, nametraka ny tänako teo amin’ny sorony, satria mpiady tranainy iray izy, hoy aho hoe, “Rahalahy Roy, miafena ao ambanin’ny zavatra iray, haingana mihitsy, misy zavatra iray natao hitranga.”

<sup>57</sup> Hoy izy hoe, “Inona no tianao lazaina, Rahalahy Branham?”

<sup>58</sup> Hoy aho hoe, “Aza miresaka! Miafena ao ambanin’ny zavatra anankiray, haingana!” Dia nitodika aho ary naka angady iray, izay teo anilan’ilay toerana, ary nandeha nanalavitra azy ireo satria fantatroy fa ho tonga teo amin’izay nisy ahy ilay izy.

<sup>59</sup> Teo akaikin’ny lohasaha lehibe iray mihitsy, im-balo na im-polo avo noho ity tranobe ity, lohasaha “mikatona” iray ilay izy; toy ny afo iray no nidina avy tany Andrianitra, toy ny tafio-drivotra iray, dian-tongotra vitsy mihitsy teo ambonin’izay nitsanganako. Ary nanongotra an’ireo vato niala tamin’ilay tendrombohitra mihitsy izany, niampita ary nanapaka ny tampon’ireo hazo prozopisy, hatrany amin’ny zato yards. Nihazakazaka ny olona rehetra, niezaka niafina tao ambanin’ireo fiarabe sy ny zavatra hafa rehetra. Niakatra indray ilay izy ary nirefotra tahaka ny kotoobaratra lehibe

iray. Niakatra nankeny amin'ny lanitra indray izany, ary nidina indray. Intelo no nanaovany an'izany. Ary rehefa tapitra izany rehetra izany, dia nanatona izy ireo ka nanontany hoe, "Inona no dikan'izany?"

<sup>60</sup> Hoy aho hoe, "Tsy te-hiteny aminareo aho; famantaran'ny fitsarana iray izany. Ao anatin'ny andro vitsy, dia hamely ny any Andrefana ny horohorontany lehibe iray. Ary tsy hijanona izany. California, ho rendrika i Los Angeles. Hilentika izy. Hikorisa ao anatin'ny ranomasimbe izy." Ary roa andro taorian'izany, dia namely an'i Alaska ilay horohorontany tany Alaska.

<sup>61</sup> Ary tamin'izay fotoana izay, ilay favoriana farany izay nataoko tany California, raha mbola teo am-piresahana aho, ary tsy nahafantatra na inona na inona tamin'izay nitranga raha tsy efa teny an-dalambe, dia niteny tamin'i California Izany, nanao hoe—nanao hoe, "Ry Kapernaomy, ry Kapernaomy, ilay tanàna izay antsoina amin'ny anaran'anjely," (izany hoe Los Angeles) "nanandratra ny tenanao hatrany an-danitra ianao, saingy haetry hatrany amin'ny helo. Fa raha mba natao tao Sodoma ireo asa lehibe izay natao teo aminao, dia ho naharitra hatramin'izao andro izao izy."

<sup>62</sup> Ankehitriny, tamin'ireo andro vitsy farany, ilay fieronana sy fipoahana lehibe. Avy eo, dia indro fa nivoaka ny gazetin'ny siansa iray, nanao hoe, "Feno triatra mizarazara daholo ilay izy, tsy maintsy hilentika izy." Fantatr'izy ireo mihitsy izany.

<sup>63</sup> Ary dinihonareo, ho tonga hatrany Salton Sea mihitsy ilay rano. Voaheloka ho amin'ny fitsarana i Los Angeles. Miteny aminareo alohan'ny hitrangan'izany aho, mba ahafahanareo mahafantatra rehefa mitranga izany. Tsy niteny an'izany tamin'ny alalan'ny tenako aho. Ary tsy mbola nahita Azy niteny tamiko zavatra anankiray mihitsy aho ka tsy nitranga. Ary afaka mijoro vavolobelona ny amin'izany ianareo. Marina izany. Rahoviana? Tsy fantatro.

<sup>64</sup> Nivoaka aho, ary notenenin'izy ireo tamiko izay nolazaiko. Dia nihaino aho, niverina ary nizaha ny Soratra. Fantatrareo, Jesosy no nilaza, saiky tamin'ireo teny ireo ihany, mikasika an'i Kapernaomy; ary Sodoma sy Gomora dia—dia efa tao amin'ny farany ambanin'ny Ranomasina Maty, heveriko tamin'io fotoana io. Ary taty ariana, teo amin'ny an-jato taonany maro taty ariana, dia nikorisa tao anatin'ny ranomasina i Kapernaomy, ary ao anatin'ny ranomasina izy. Ilay Andriamanitra iray ihany izay nametraka an'i Sodoma tao anatin'ny ranomasina nohon'ny otany, ilay Andriamanitra iray ihany izay hametraka an'i Los Angeles ao anatin'ny ranomasina nohon'ny otany, ilay tanànan'ny—ny fahalòvana.

<sup>65</sup> Natahotra mafy Rahalahy Roy Borders. Tsy fantattro raha mba...izany no dikan'izany, na inona. Tsy fantattro.

Ndao isika hivavaka.

<sup>66</sup> Tompo, tena tsara ny mijoro vavolombelona amin'ireo tena mphaino. Mino izahay, Tompo, ampio amin'ny tsi-finoanay. Ary fantatray fa midina eny amin'ny lèlana mankany amin'ny faran'iazo tontolo izao mihitsy izahay ankehitriny. Fotoana inona marina, tsy mahafantatra izahay. Fa ilay fakana miafina ny Ampakarina; indray andro any, Tompo, izahay dia ho—izahay dia ho hakarina, entina miakatra miaraka Aminy. Ary miandry an'izany andro izany izahay. Omàny ny fonay, Tompo.

<sup>67</sup> Misy maro, izay jerenay, no mandry eto eo amin'ireo fandrian'ny marary sy fitondrana marary, lehilahy sy vehivavy izay voafator'ilay fahavaloo. Misy olona mipetraka eo, angamba, raha tsy mikasika azy ireo Ianao, dia ho faty miaraka amin'ny aretim-po izy ireo. Angamba lanin'ny homamiadana ny sasany amin'izy ireo.

<sup>68</sup> Ary Ray, mahafantatra ny fon'ny olona rehetra Ianao. Mahafantatra Ianao na marina izany na tsy marina. Fa milaza an'ireo zavatra ireo izahay satria fantatray izay efa Nataonao, nanafaka maro be ny Herinao lehibe. Vavolombelon'izany izahay, na niezaka aza izy ireo miteny aminay hoe “tsy mitranga ireo zavatra ireo.” Fa mitranga izany Tompo. Vavolombelona izahay.

<sup>69</sup> Mivavaka aho izao hariva izao, Tompo, mba Hanorenanao ny finoana ao amin'ny fon'ny olona na manao ahoana na manao ahoana, mba ho afaka ny tsirairay avy amin'izy ireo, ireto olona marary sy ory ireto. Enga anie ho tena tsotra izany, Tompo, avelao fotsiny izahay, raha miezaka mampianatra ny Teny. Aoka ny Fanahy Masina haka ny fahadisoanay, Tompo, ka hanitsy azy ireny ao amin'ny fon'ny olona. Ary ataovy ho tena, tena hariva iray izany izay ny...izay Hahafahany mametraka ny Tenany ao amin'ny fon'ny mpino tsirairay eto. Mametraka an'ity hariva ity ho an'izany tanjona izany izahay, Tompo. Enga anie ireo izay tsy voavonjo, ambonin'ny zavatra rehetra, ho vonona; hivonona ankehitriny, raha mbola misokatra ireo varavarany'ny famindrampo. Mangataka an'izany amin'ny Anaran'i Jesosy izahay. Amena.

<sup>70</sup> Hamadika ao amin'ny Soratra isika ankehitriny, mba hanombohana, ary ao amin'ny...

<sup>71</sup> Nisy olona iray nametraka ny—ny naoty iray tetra amin'ny latabatra, ary nilaza fa izy ireo dia “nanangona fanatitra iray” ho ahy izao hariva izao. Tsy nilaina izany, aza manao an'izany. Tsy afaka mamerina an'ilay izy aho. Tsaroako indray mandeha, tany Calgary, Canada, nanangona anankiray izahay...nangonina io fanatitra io. Niezaka niteny tamiko Rahalahy Jack...Mipetraka ery aoriana ery ny vadiko; izy,

nanana efitra anankiroa ireo ankizy tao amin'izay nипетраhanay, tsy maintsy nametraka bodoфotsy iray teo amin'ny varavarana izy mba hihazonana ny—ny varavarana hikatona mba tsy hahatonga an'ireo ankizy ho tratran'ny aretin'avokavoka. Ary nilaza izy... Nilaza tamiko izy, nanao hoe, "Rahalahy Branham, tsy tsara ny mitondra azy tahaka an'izany." Noho izany, tsaroanao ilay zava-misy. Nanangona izy ireo, adinoko hoe firy arivo dolara.

<sup>72</sup> Dia hoy aho hoe, "Oh, ento miverina ilay izy, Rahalahy Jack."

<sup>73</sup> Hoy izy hoe, "Ankehitriny, ahoana no hanaovantsika an'izany?" Noho izany, dia novidiako ilay toerana ary eto izany. Noho izany, ho an'ny voninahitra sy ny hajan'Andriamanitra. Notehirizinay nandrity ny taona vitsy ilay izy, izaho sy ny vadiko, ho toy ny fanomezana avy tamin'ilay fiangonana, ny olona.

<sup>74</sup> Ary nieritreritra aho avy eo hoe, "Toa tsy mety tsara izany. Tsy nitondra na inona na inona teto amin'ity izao tontolo izao ity aho, azo antoka fa tsy hitondra na inona na inona handeha." Noho izany nitodika aho ka natokako ilay izy, ary navadiko ho an'ny tabernakla. Amin'izay rehefa vita ny amiko, nahoana, dia mpanompon'Andriamanitra hafa iray, raha misy ny ampitso iray, no hampiasa azy amin'izay fotoana izay. Hitanareo? Noho izany, misaotra anareo betsaka tokoa, ry sakaiza. Andriamanitra hitahy anareo, noho izany.

<sup>75</sup> Ankehitriny, ao amin'ny Jakoba, ny Bokin'i Jakoba, ny toko faha-2. Te-hamaky isika, manomboka amin'ny andininy faha-21.

<sup>76</sup> Ary ankehitriny, izaho fotsiny dia saiky... Vetivety kely fotsiny ho an'ny fampianarana, ary hanomboka hivavaka ho an'ny marary haingana arak'izay vitantsika mihitsy isika avy eo, ary haka olona maro mihitsy ao amin'io laharam-bavaka io arak'izay azontsika atao. Ary ndao isika, ihany koa, hahatsiaro koa... Tsy te-hanadino an-dRanabavy Anna Jeanne sy Rahalahy Don aho, ary izy ireo, heveriko fa any Thailand any ho any izy ireo. Sa tsy izany? Aiza? Bangkok, sy—sy ireo saham-pitoriana. Zavatra maro no eritretinareo amin'ny tontolo andro, izay tianareo ho lazaina eo anatrehan'ny olona. Avy eo rehefa tonga eto ianareo, ianareo—ianareo dia tsy afaka mieritreritra an'izany, mitsofoka avy hatrany ao amin'ilay lesona ianareo.

<sup>77</sup> Ary ankehitriny, ao amin'ny Jakoba eto, ny toko faha-2. Ary hanomboka amin'ny andininy faha-21-n'ny toko faha-2 an'i Masindahy Jakoba isika, ka hamaky ny—ny ampahany amin'Izany. Ny andininy faha-21 an'ny toko faha-2.

*Tsy nohamarinina tamin'ny asa ve Abrahama  
rainstsika, rehefa nanolotra an'Isaka zanany izy teo  
ambonin'ny... ilay alitara?*

*Hitanao fa niara-niasa tamin'ny finoana ny asany, ary tamin'ny asa . . . ny finoana no natao tanteraka?*

*Ary tanteraka ny soratra izay manao hoe, Abrahama dia nino an'Andriamanitra, ka nisaina ho azy ho fahamarinana izany: ary nantsoina hoe Sakaizan'Andriamanitra izy.*

<sup>78</sup> Ankehitriny, ny lohahevitro izao hariva izao . . . Ary hazony ny Baibolinareo ankehitriny, satria manana Soratra maro aho voaray naoty eto. Raha tsy haharitra ela loatra isika, dia hitodika amin'ny maro amin'izy ireo aho. Ny lohahevitro dia: *Ireo Asa No Finoana Voaseho*. Ankehitriny, tsarovy: *Ireo Asa No Finoana Voaseho*. Ireo asa no manebo fa efa nifikitra ny finoana, hitanareeo. Hitanareeo? Ankehitriny, mifidy an'izao isika satria isika . . . Mino aho fa mety hanampy antsika hahazo izany. Ankehitriny henoy tsara mihitsy, ary hiditra ao amin'izany tahaka ny lesona Sekoly Alahady iray isika.

<sup>79</sup> Eto i Jakoba dia mampiseho ao amin'ny fampianarany, avy amin'ny Genesisy 22:1-9, izay hitan'ny *olona* tao amin'i Abrahama.

<sup>80</sup> Ndao isika hiverina, manana an'ireo Soratra voamarika kely aho eto. Ao amin'ny Genesisy, ny toko faha-22, ary ny andininhy faha-1 ka hatramin'ny faha-9.

*Ary izao no niseho taorian'ireo zavatra ireo, fa Andriamanitra nizaha toetra an'i Abrahama, ka nanao taminy hoe, Abrama . . . Abrahama: dia hoy izy hoe, Indro, inty aho.*

*Ary hoy izy hoe, Ento ny zanakao ankehitriny, Isaka zanakao lahitokana, izay tianao, ka mankanesa ianao any amin'ny tanin'i Moria; ka atolory izy . . . ho fanatitra dorana ao amin'ny tendrombohitra anankiray izay holazaiko anao.*

Hitanareeo, tsy niteny taminy akory aza Izy hoe iza ilay izy. Mandrosoa fotsiny ianareeo rehefa miteny Andriamanitra, manohiza mandeha. Hitanareeo?

*Ary nifoha maraina Abrahama, ka nasiandy lasely ny boriky iray, dia nitondra ny anankiroa tamin'ireo zatovony niaraka taminy, sy Isaka zanany, ary namaky ny hazo ho an'ny fanatitra dorana, ary nitsangana, ka nandeha nankany amin'ilay toerana . . . izay nolazain'Andriamanitra taminy ny . . . nolazainy taminy.*

*Ary tamin'ny andro fahatelo dia nanopy ny masonry i Abrahama, ka nahita an'ilay toerana avy lavitra.*

*Ary hoy Abrahama tamin'ireo zatovo hoe, Mitoera eto ianareeo miaraka amin'ny boriky; fa izaho sy ny*

*zazalahy handeha hankery ary hivavaka, dia hiverina eto aminareo indray.*

<sup>81</sup> Ankehitriny, efa nanana tao an-tsainy izy ankehitriny, hoe handeha hiakatra hamono ny zanany, satria Andriamanitra no niteny taminy hamono. Saingy jereo ny Soratra eto.

*...izaho sy ny zazalahy handeha hankery ary hivavaka, dia hiverina eto aminareo indray. (Izy sy ilay zazalahy.)*

*Dia nalain'i Abrahama ny hazo sy ny fanatitra dorana, ka napetrany teo ambonin'i Isaka zanany izany; ary nitondra afo teny an-tanany izy, sy ny antsy; ary izy roa nandeha...niaraka izy ireo.*

*Ary Isaka niteny tamin'i Abrahama rainy, ka nanao hoe, Ry ikakiko: dia hoy izy hoe, Inty aho, anaka. Ary hoy izy hoe, Indro ny afo sy ny hazo: fa aiza ny zanak'ondry ho an'ilay fanatitra dorana?*

*Dia hoy Abrahama hoe, Anaka, Andriamanitra irery ihany no hanomana ny zanak'ondry ho an'ilay fanatitra dorana: koa dia niara-nandeha izy roa.*

*Ary izy ireo dia tonga teo amin'ny toerana izay Andriamanitra...no nilaza taminy; ary nanorina alitara teo Abrahama, ka nandahatra ny hazo, ary namatotra ny zanany...Isaka zanany, ary nametraka azy teo ambonin'ny alitara teo ambonin'ny hazo.*

*Ary naninjitra ny tanany Abrahama, ka nandray ny antsy mba hamonoany ny zanany.*

*Ary niantso azy ilay Anjelin'ny TOMPO tany an-danitra, ka nanao hoe, Abrahama, Abrahama: dia hoy izy hoe, Inty aho.*

*Dia hoy izy hoe, Aza maninjitra ny tananao amin'ny zazalahy, ary aza manao na inona na inona aminy akory: fa fantatro ankehitriny hoe matahotra an'Andriamanitra ianao, hita fa tsy niaro ny zanakao ianao, ny...tamiko...ny zanakao lahitokana tamiko. (Asa iray toy ny inona!)*

<sup>82</sup> Ankehitriny, hitantsika eto fa manamarina an'i Abrahama amin'ny alalan'ireo asany i Jakoba.

<sup>83</sup> Fa ankehitriny, ao amin'i Paoly, ao amin'ny Romana, ny Bokin'ny Romana, ny faha-8...ny toko faha-4, 4:1 hatramin'ny 8. Tsy hamaky azy rehetra aho, fa hamaky ny ampanhan'izany fotsiny.

*Ary inona ary no holazantsika ny amin'i Abrahama raintsika, araka ny nofo, an'izay efa hitany?*

*Fa raha i Abrahama no nohamarinina... (Tsaroanareo, naka an'ilay teny isika omaly hariva*

hoe, “nohamarinina.”)...*tamin’ny asa, dia nanana hireharehana izy; nefo tsy teo anatrehan’Andriamanitra.*

*Fa ahoana no lazain’ny soratra? Abrahama dia nino an’Andriamanitra, ary nisaina ho azy izany nohon’ny fahamarinana.*

*Ary ho an’izay miasa dia tsy isaina ho fahasoavana ny karama, fa ho trosa.*

<sup>84</sup> Ankehitriny—ankehitriny ny tondroin’i Paoly eto, dia izay hitan’Andriamanitra tao amin’i Abrahama.

<sup>85</sup> Ankehitriny ndao isika...raha ianareo...raha tsy dia mamadika be loatra isika, hiverina ao amin’ny Genesisy indray, ny toko faha-15, ary ny andininy faha-6; 15:6, mino aho fa marina izany. Hanomboka eo amin’ny faha-5 isika.

*Dia nitondra azy nivoaka izy, ka nanao hoe, Mijere ankehitriny mankany amin’ny lanitra, ka isao ny kintana, raha toa ianao ka afaka manisa azy ireo: dia hoy izy taminy hoe, Ho tahaka izany ny taranakao.*

*Ary nino ny TOMPO izy; ka nisaina ho azy nohon’ny fahamarinana izany.*

<sup>86</sup> Ankehitriny ireo lehilahy anankiroa izay miresaka ny finoana: Paoly dia nanamarina an’i Abrahama tamin’ny alàlan’izay hitan’Andriamanitra tao amin’i Abrahama; fa i Jakoba kosa nanamarina an’i Abrahama tamin’ny alàlan’izay hitan’ny olona tao—tao amin’i Abrahama.

<sup>87</sup> Hitanareo, ankehitriny, hoy Jakoba hoe, “Nohamarinina tamin’ny asany izy.”

<sup>88</sup> Hoy i Paoly hoe, “Nohamarinina tamin’ny finoana izy.”

<sup>89</sup> Fa hitanareo, nino an’Andriamanitra i Abrahama, izany no hitan’Andriamanitra tao aminy; nino an’Izany izy. Fa avy eo rehefa nandeha izy mba hiasa ho toy ny hoe efa vita ilay izy, dia izany no hitan’ny olona tao aminy.

<sup>90</sup> Ary tahaka an’izany ilay izy amintsika, satria ireo asantsika no maneho ny finoana izay ananantsika. Fa raha matahotra ny hiasa eo amin’izay inoantsika isika, amin’izay fotoana izay isika dia tsy mino an’Izany. Hitanareo, tsy maintsy mino an’Izany ianareo.

<sup>91</sup> Naneho ny finoany izay nananany tao amin’ny teny fikasan’Andriamanitra ireo asan’i Abrahama. Ankehitriny, Abrahama, tsarovy, sivifolo taona izy, na, zato taona, ary sivifolo taona i Saraha. Ary tena azon-taona tsara mihitsy izy ireo ankehitriny, efa nihoatra ny fananan-janaka, efa izany nandritry ny taona, taona maro. Ary niara-niaina toy ny vady lahy sy vady vavy izy ireo hatramin’ny naha-tanora azy, nefo tsy nanan-janaka. Kanefa, niteny taminy Andriamanitra fony izy dimy amby fitopolo taona, ary Saraha dimy amby

enimpolo hoe, “Hahazo zaza iray ianareo.” Dia nino ny teny fikasan’Andriamanitra izy. Nino an’Izany izy. Ankehitriny, hitanareo, nanao ny zavatra rehetra ho vonona ho an’io zaza io izy. Hitanareo, izany no hitan’*Andriamanitra*, rehefa nino an’Andriamanitra izy; fa ny *olona* dia nahita an’izay nataony mba hanehoana fa nino izy. (Ary izany ilay zavatra iray ihany izay miasa izao hariva izao, tahaka an’izany ilay izy amintsika.) Voambara taminy ilay izy. Hitanareo, voambara taminy ilay izy, noho izany dia tahaka an’izany no ninoany azy, ary niasany toy ny hoe efa niseho ilay izy.

<sup>92</sup> Ankehitriny, ndao isika hijanona eo mihitsy, iray minitra fotsiny. Matetika isika dia tsy mahazo an’io. Manana fientanam-po ny olona, ary miezaka izy ireo ny miasa eo amin’ny fientanam-po. Tsy hety izany.

<sup>93</sup> Ankehitriny, tahaka an-dRahalahy Gerholtzer aho eto, izahay dia—izahay dia lehilahy antitra, ary izahay efa tao amin’ny . . . efa ela be izany, ary efa nahita ny mahamety sy ny tsy mahamety izahay, sy—sy ny zavatra rehetra. Ary nivavaka ho an’ny marary, nanerana an’izao tontolo izao, ka nahita ny—ny fahadisoam-panantenan’ny olona, ary nahita an’ireo—ireo “Haleloia” avy tamin’ny lafiny rehetra. Noho izany, avy tamin’io rehetra io, no nianaranay. Ankehitriny, fony mbola zazalahy, ka nanomboka nitory an’izao izahay, Rahalahy Gerholtzer, dia toy ny hoe nanomboka nilomano izahay. Ny zavatra voalohany, fantatrareo, nandeha nivoaka aho taloha, ary izaho no . . . Rahalahy Jack, naka an-dRahalahy Brown aho mba handeha hiaraka amiko teny an-dàlambe, isan-kariva, mba hiezaka hamerina ahy amin’ny tenako. Nitsangana teo aho, tahaka ny ankizy kely iray, mampitobatobaka ny rano, mahita fahitana, fantatrareo. Ary nijanona teo fotsiny aho mandra-pahatongan-dRahalahy Brown . . .

<sup>94</sup> Tsaroako indray hariva, tsy ho hadinoko mihitsy izany, tany San Jose na tany ho any. Tonga izy mba hamoha ahy, tsy natory nandrity ny andro maro aho ka tsy fantattro fa hoe niresaka tamin’ilay lehilahy, saingy nolazainy fa niteny taminy aho. Nanomboka nitomany aho, nanao hoe, “Handeha hody aho.” Hitanareo?

<sup>95</sup> “Nahoana,” hoy izy, “tsy afaka mandeha mody ianao. Misy favoriana izay mitohy eo.”

<sup>96</sup> Hoy aho hoe, “Eny, ho vonona handeha hody aho ao anatin’ny minitra vitsy.” Hitanareo, tany ankoatra fotsiny, tany ivelan’ny tenako, saiky. Hitanareo, zazalahy iray aho tamin’izany.

<sup>97</sup> Tahaka anareo mianatra milomano, fantatrareo, mampitobatobaka ny rano ianareo ary mandeha miampita an’ilay dobo, ka “hahhh, hahhh, hahhh, vitako ilay izy!” Ankehitriny, rehefa avy mianatra milomano ianareo, dia miha-lehibe hatrany ilay fikapohana, ary izany dia tsy “mandreraka

anareo” be loatra. Hitanareo, izany ilay izy, mianatra ianareo hoe ahoana no fanaovana azy; ka manao ny hitsin-dàlana rehetra ianareo sy manao an’ilay izy tsaratsara kokoa, ary lasa mihamora izany. Hitanareo?

<sup>98</sup> Ny zazalahy kely iray izay tsy mbola namindra mihitsy, dia hanandrana ny handeha eto amin’ity lalantsara ity, hianjera indroa ambin’ny folo izy ary ho “reraka” alohan’ny ahatongavany eo. Fa ny olona rehetra izay mahafantatra hoe ahoana no famindra, mpanao fanatanjahan-tena iray, dia handeha tsara mihitsy amin’io lalantsara io ka tsy hahamarika akory aza hoe nanao an’ilay izy. Eny, tsy maintsy nanomboka tamin’izany izy, izany no mahatonga azy eo ankehitriny.

<sup>99</sup> Eny, tahaka an’izany ny mitory ny fanasitranana avy amin’Andriamanitra na zavatra hafa. Arakaraky ny hanohizanareo, no anombohanareo mianatra. Raha tsy mianatra ianareo, dia misy zavatra tsy mety ao. Hitanareo, tsy maintsy mianatra ianareo, ary tsy maintsy mianatra hoe ahoana no fanekena an’Andriamanitra sy hoe inona marina no dikan’izany.

<sup>100</sup> Avelantsika ilay izy, matetika manao hoe, “Eny, ity zalahy ity dia tsy nanana finoana betsaka, ity zalahy ity tsy nanao an’ity sy ity.” Misy antony iray eo ho an’izany, misy antony iray. Indraindray dia fahotana tsy nibebahana ilay izy. Afaka mandraraka diloiloo iray vata famarana eo amin’ny olona iray ianareo, ary miantsoantso mandra-pahatonganareo ho farim-peo, tsy hampihetsika an’io devoly io mihitsy izany. Tsia, tompoko! Tsy maintsy ibebahanareo izany. Izany no ataon’ny famantarana, manao hoe, “Mandehana ahitsiho izany, asehoy izany.”

<sup>101</sup> Fa tena miadana ny fanaovana an’izany, hitanareo. Ary amin’izay fotoana izay—amin’izay fotoana izay dia lasa tsy maharitra ny sisa amin’izy ireo, ka hoy izy ireo hoe, “Ah, tsy nivavahana mihitsy aho.” Fa mila mahita fomba iray isika ankehitriny, izay...izay mitranga, ilay tena fototry ny fanasitranana avy amin’Andriamanitra.

<sup>102</sup> Ankehitriny, ny fanomezam-pahasoavana, tahaka ny nolazaiko omaly hariva mihitsy hoe, “Mahafinaritra ny fanomezam-pahasoavana, saingy tsy afaka manankina ny fitodianareo Mandrakizay eo amin’ireo fanomezam-pahasoavana ianareo.” Tsy afaka manao zava-dehibe eo amin’ny zavatra kely ianareo, ary ny—ny fanomezam-pahasoavana dia zavatra kely. Ary afaka maka tahaka ny fanomezam-pahasoavana rehetra izay ananan’Andriamanitra i Satana, afaka maka zavatra anankiray tena tahaka an’izany mihitsy izy, hitanareo, marina tokoa. Noho izany, tsy maintsy mandinika an’izany isika.

<sup>103</sup> Tahaka ny anehoako mikasika ny fikiakiahana matetika; efa nahita demony nikiakiaka aho, hitanareo. Miteny amin’ny

fiteny tsy fantatra, efa nahita demony niteny tamin'ny fiteny tsy fantatra aho. Azo antoka, maka tahaka an'Izany izy. Tsy tena izy izany, saingy maka tahaka an'Izany izy, hitanareo, manao an'ilay izy ho toy ny tena izy. Ary ny olona indraindray, izay tsy mahafantatra an'ilay fahasamihafana, dia milaza an'izany ho "tena izy" nefo tsy tena izy izany.

<sup>104</sup> Ary mitovy amin'izany no ataon'izy ireo mikasika ny fanasitranana avy amin'Andriamanitra. Mieritreritra izy ireo hoe, "Eny, fitapitaka iray izany, na zavatra tahaka an'izany." Tsy izany ilay izy. Izany dia finoana tena izy iray, tsy mifangaro ao amin'izay nolazain'Andriamanitra ho ny Fahamarinana. Ary mifikitra izany! Ary rehefa mifikitra izany, dia tsy misy na inona na inona hanetsika an'izany. Hijanona eo izany. Ka noho izany, eo am-panaovana an'ireo hitsin-dàlana ireo, . . .

<sup>105</sup> Ankehitriny, ny *finoana* dia "fanambarana iray avy amin'Andriamanitra." Ankehitriny, ny *finoana* dia fanambarana iray. Eo no tiako hijanonana, eo, vetivety fotsiny. Fanambarana iray izany. Izy no nanambara an'izany taminareo nohon'ny Fahasoavany. Tsy zavatra izay nataonareo izany. Tsy ianareo no miezaka amin'ny tenanareo ho ao amin'ny *finoana*. Matoa ianareo manana *finoana*, dia nomena anareo nohon'ny fahasoavan'Andriamanitra izany. Ary Andriamanitra no manambara an'izany aminareo, noho izany ny *finoana* dia fanambarana iray. Ary miorina eo ambonin'ny fanambarana ny Fianganon'Andriamanitra manontolo.

<sup>106</sup> Niteny tamiko ny mpitoriteny Batista iray, vao tsy ela akory izay, hoy izy hoe, "Tsy afaka manaiky fanambarana mihtisy aho."

<sup>107</sup> Hoy aho hoe, "Noho izany dia tsy afaka manaiky ny Baiboly ianao. Tsy afaka manaiky an'i Kristy ianao, satria Izy no Fanambaran'Andriamanitra. Izy no Andriamanitra voambara ao amin'ny nofo." Noho izany, miorina eo ambonin'ny fanambarana avy amin'Andriamanitra ny Fianganana manontolo.

<sup>108</sup> Jesosy dia nilaza tamin'i (mino aho fa i Petera ilay izy) . . . nanao hoe, hoy Izy hoe, "Ataon'ny olona ho iza moa Aho ilay Zanak'olona?"

<sup>109</sup> Niresaka tamin'ireo Mpianany Izy. "Ary ny sasany nilaza fa Ianao no 'Elias,' sy 'Mosesy,' na 'Iray amin'ireo mpaminany,' ary 'Jeremia.'"

<sup>110</sup> Hoy Izy hoe, "Fa iza kosa no lazainareo?"

<sup>111</sup> Hoy izy hoe, "Ianao no Kristy, ilay Zanak'Andriamanitra velona."

<sup>112</sup> Ankehitriny, hoy ny fianganana Katolika Romana hoe, "Niteny tamin'i Petera Izy fa, 'Eo ambonin'ity vatolampy ity no Hanorenako Ny Fianganako.'"

<sup>113</sup> Hoy ireo Protestanta hoe, “Nanorina an’Izany teo ambonin’ny Tenany Izy.”

<sup>114</sup> Ankehitriny, mety ho marina ny azy ireo. Saingy, ho ahy, samy diso izy roa ireo. Izany dia teo ambonin’ny fanambarana ara-panahy ny amin’ny hoe Iza Izy. “Tsy ny nofo aman-drà no nanambara an’izany taminao, ry Petera. Fa Ny Raiko, izay any An-danitra, no nanambara an’izany taminao. Ary eo ambonin’ity vatolampy ity,” ilay fanambarana ny amin’ny hoe Iza Izy; eo ambonin’ilay fanambarana: Izy no Teny, ary ny manontolo... “Eo ambonin’ity vatolampy ity no Hanorenako Ny Fiagonako, ary ny vavahadin’ny helo tsy afaka handresy Azy.” Izany no naneho fa hanohitra Azy ny vavahadin’ny helo.

<sup>115</sup> Abela, tamin’ny finoana, fanambarana, (tsy nisy Baiboly voasoratra tamin’izany andro izany), tamin’ny... Abela, tamin’ny finoana, dia nanolotra ho an’Andriamanitra ny fanatitra tsara lavitra nohon’ny an’i Kaina. Ka izany no nanambaran’Andriamanitra hoe, “Marina izy.” Ahoana? Tamin’ny finoana. Ahoana? Tamin’ny fanambarana! Tamin’ny fanambarana, no nanoloran’i Abela ho an’Andriamanitra ny fanatitra tsara lavitra, satria voambara taminy hoe tsy voankazon’ny saha izany, fa izany dia ny rà.

<sup>116</sup> Izany no mahatonga ny olona sasany mino an’Izany, ary ny sasany tsy mino an’Izany, ny sasany manandrana mody mino an’Izany.

<sup>117</sup> Ao amin’ny fanatrehan’ny olona, rehefa mandeha ny laharam-bavaka iray, dia hahita ny sasany ianareo... ary olona tsara daholo izy ireo, hoy isika. Misy sasany ao izay miezaka mafy mba hino an’Izany, miezaka manery ny tenany ho ao amin’Izany. Ny sasany tsy afaka manao an’izany fotsiny mihitsy. Ary ireo hafa, nohon’ny fahasoavana fotsiny, dia nomena ho azy ireo fotsiny izany. Ankehitriny, io ilay fahasamihafana. Hitanareo? Izany no manao an’ilay izy. Izany ilay tena fanambarana, satria fanambarana iray avy amin’Andriamanitra ny finoana. Izany dia tsy maintsy voambara aloha.

<sup>118</sup> Naneho mazava tsara an’izany Jesosy rehefa hoy Izy hoe, “Tsy misy olona afaka manatona Ahy raha tsy Ny Raiko no mitarika azy aloha, na manambara Ahy aminy aloha.” Tokony hamaky an’izany ianareo. Masindahy Jakoba izany, na, Masindahy Jaona 6:44 ka hatramin’ny 46. Tsy fantatr’izy ireo hoe Iza Izy. Nihevitra izy ireo fa lehilahy tsotra iray fotsiny Izy. Izy ireo dia nihevitra Azy ho, tahaka ny ataoñ’ny olona amin’izao andro izao, mpaminany iray. Mpaminany Izy, Lehilahy tsotra iray Izy, saingy nisy mihoatra noho izany teo.

<sup>119</sup> Tahaka ny omaly hariva mihitsy, teo am-piresahana... Rehefa azonareo ilay boky, dia hahita fifanjevoana kely angamba ianareo eo ny amin’izay nolazaiko hoe, “Ireo bokin’ny Fiainana anankiroa.” Boky iray ihany izany, saingy

ny fahaterahanareo ara-boajanahary ny anankiray amin'izy ireo, ilay anankiray hafa dia ny fahaterahanareo ara-panahy. Ny anankiray mitarika anareo mankany amin'ilay anankiray hafa, tahaka ny tahom-bary iray mihitsy. Eny, ankehitriny, raha miresaka ny amiko ianareo, dia miresaka ny amiko amin'ny maha-olona velona iray. Fa misy ampahany iray amiko eto, dia io olona io, izay tsy maintsy levona. Izany ilay Boky izay anesorana ny anarana. Fa ilay anankiray Mandrakizay, ilay anankiray Voafidy mialoha, ilay anankiray Voafidy, dia tsy azo esorina avy ao ny anarana satria efa teo amin'Izany foana izy. Izany dia tsy azo esorina mihitsy. Hahamarika an'izany ianareeo ao anatin'ilay boky, mba hiaro anareo amin'ny fifanjevoana. Tahaka an'izany no hahitanareo azy. Satria, heveriko, Rahalahy Vayle, izay nanitsy ny gramera teo amin'izany, no nampahatsiahy ahy an'ilay izy androany. Hoy aho hoe, "Marina izany."

<sup>120</sup> Mino ireo Batista fa misy boky anankiroa samihafa. Ary amin'ny lafiny iray dia boky anankiroa samihafa izany, fa amin'ny lafiny iray hafa kosa tsy boky anankiroa samihafa izany. Izaho dia olona anankiroa samihafa... Vatana sy aina ary fanahy aho, olona telo samihafa, saingy izaho dia... anankiray ihany no manao ahy ho vatana iray.

<sup>121</sup> Bokin'ny Fiainana anankiray ihany no tena misy. Toy ny hoe nisy tsimoka anankiray avy amin'ny—avy amin'ny vary izay niakatra nandalo tao amin'ny taho, dia nandalo tao amin'ny felana, sy nandalo tao amin'ny akotry, ary tao anatin'ny vary; nandrity'io lèlana rehetra io, dia hoy ianareo hoe, "Ankehitriny, vary io mipetraka ao io." Tsy ilay vary izany, ilay taho izany, saingy izy miaraka no vary. Hitanareo, vary izany satria taho anankiray izy rehetra, saingy ilay vary izay resahanareo, dia ilay voam-bary any amin'ny fiafarany. Ireo hafa dia mpitonandra iray, tsy maintsy levona izy. Ary izany ilay anankiray—toerana anankiray izay toy ny hoe afaka manana ny anaranareo nesorina tao amin'ny Bokin'ny Fiainan'ny Zanak'ondry ianareo, sy ilay toerana iray hafa izay tsy ahafahanareo manao an'izany. Noho izany, eo no misy an'ilay izy. Izany rehetra izany dia ao anatin'io fanambarana lehibe eo io, izay nampahafantarina nandrity ny fotoan'ireo Tombokase Fito. Nahoana àry, ahoana no tsy mety mino an'Izany ny olona sasany?

<sup>122</sup> Jesosy no nilaza fa "Tsy misy olona afaka manatona Ahy raha tsy Ny Raiko no mitarika azy aloha. Ary izay rehetra nomen'ny Ray Ahy, no hanatona Ahy." Tsy misy olona afaka mahazo hoe Iza Izy, na ahoana Izany, raha tsy voambara taminareo tamin'ny alàlan'ny fanambaran'Andriamanitra ilay izy. Ary amin'izay fotoana izay ny finoana ao amin'izany, no hihetsehanareo arak'izany. Hitanareo? Hitantsika mazava tsara eto fa Andriamanitra dia voambara ao amin'i Jesosy, ary ireo izay voatendry mialoha hahita an'izany ihany, no hahita an'izany. Mahazoa antoka mamaky an'io Soratra io, navelako

ilay izy teo, izany dia Masindahy Jaona 6:44 hatramin'ny 46. Navelako ilay izy satria nihevitra aho fa angamba isika hanana...angamba tsy hanana fotoana betsaka hahavitana, satria mitohy mihodina fotsiny iry famantaranandro ery io.

<sup>123</sup> Ary noho izany isika...Marihonareo, "Tsy misy olona, tsy misy olona afaka manatona raha tsy Ny Raiko no mitarika azy aloha. Ary izay rehetra nomen'ny Ray Ahy, izy ireo no hanatona." Hahalala an'Izany izy ireo. Tsy misy olon-kafa afaka hanao an'izany, tsy misy olona hafa, tsy mampaninona na tsara toy ny ahoana, iza ianareo, tsy maintsy voambara aminareo Izany. Amin'izay fotoana izay dia ho hitanareo hoe Iza moa Jesosy Kristy.

<sup>124</sup> Ankehitriny, eto, hita miharihary ilay drafitra voafidy mialoha. Tahaka ny voa hafa mihitsy, Voa iray ny Tenin'Andriamanitra ka tsy maintsy manana an'ilay tany voaomana mialoha. Raha namafy voa ianareo, ka nanipy azy fotsiny eo amin'ny tany, dia tsy hahavita soa izany, ireo vorona no hitsaingoka azy. Raha atsipinareo eo amin'ireo tsilo sy songosongo izy, dia hangeja azy tsy ho ela izany. Ny fanoharan'i Jesosy no niteny an'izany. Noho izany tsy maintsy atao vonona aloha ilay tany. Noho izany, Andriamanitra, ao amin'ny fahasoavana masi-mandidy, dia manomana ny fo aloha. Nanomana anareo talohan'ny fanorenana an'izao tontolo izao Izzy, mba handray Azy amin'izao taona izao. Efa nahafantatra anareo mialoha Izzy tamin'ny alàlan'ny Fahalalany mialoha, ary nanendry anareo ho amin'ny Fiainana Mandrakizay. Nahafantatra anareo Izzy, noho izany dia nanomana anareo Izzy.

<sup>125</sup> Izany no antony nampitaredretra anareo nivoaka avy tao amin'ireo zavatra ireo, sy nampitaredretra anareo ao amin'izay anananareo ankehitriny. Izany no Andriamanitra mitarika anareo eo amin'ny toerana izay efa Notendreny hisy anareo. Izany...na raha—raha—raha tsy voaomana mialoha io tany io, dia tsy afaka mitombo izy. Izany no antony, ilay voan'ny finoana, rehefa mitory ny finoana ianareo, mahita an'ireo famantarana avy amin'ny Tompo, ary mahita an'izay miseho, sy ireo fanomezam-pahasooavan'ny Baiboly miasa. Manaitaitra ny tenany ny olona hoe, "Oh, haleloia, mino an'Izany aho," dia miakatra, ary mahita ny tenany diso fanantenana. Hitanareo, tsy maintsy voatendry mialoha ilay tany. Ary fantatrareo rehefa mandòna azy Izany.

<sup>126</sup> Tahaka ny voromahery keliko, omaly hariva. Fantany rehefa nandre ny antsoantson'io renim-boromahery io izy hoe, "misy fahasamihafana betsaka teo amin'izany sy ny fikohokohon'ilay akohovavy." Hitanareo, satria voromahery iray izy nanomboka tamin'ny atody. Tsy...tsy tamin'io fotoana io mihitsy izy vao natao ho voromahery iray, efa voromahery iray foana izy. Ary efa izany foana ny Kristiana iray! Izany no antony, fisaraham-panambadiana, rehefa nisara-panambadiana ianareo, satria

voafandrika tao anatin'izany, hitanareo, tamin'ny alàlan'ny raiamandreninareo voalohany, Adama sy Eva. Lasà mpanota iray ianareo ara-natiora. Tsy te-ho izany ianareo, fa ankehitriny nandre ny Filazantsara ianareo, ary "ny finoana dia avy amin'ny fandrenesana," ny fanambarana dia avy amin'ny fandrenesana. Misy zavatra kely iray ao anatinareo ao.

<sup>127</sup> Misy lehilahy hafa iray mipetraka eo akaikinareo mihitsy, manao hoe, "Ah, tsy mino an'io karazan-javatra io aho. Fahadalana! Tsy mino an'io aho. Tsy misy dikany io!"

<sup>128</sup> Tahaka ny nataon'izy ireo tamin'ny Andron'ny Pentekosta, nihomehy izy ireo ka nanao hoe, "Mamon'ny divay vaovao ireto lehilahy ireto." Fantatr'izy ireo fa izany dia... Ilay izy dia zavatra iray lehibe ho an'ireo izay nitrangan'izany. Nahoana? Izany no Andriamanitra manambara ny Tenany amin'ireo isam-batan'olona. Raha nihomehy ireo hafa, ireto kosa nifaly. Fanambarana isam-batan'olona izany, dia ny finoana; ny finoana izay voambara. Raha tsy finoana izany, amin'izay fotoana izay dia tsy ho teo akory aza izany. Ny finoana izany.

<sup>129</sup> Tsy maintsy manana an'ilay tany voaomana mihitsy aloha ireo voa. "Noho izany, izay rehetra Fantany mialoha, no Nantsoiny. Izay rehetra Nantsoiny... Izay rehetra Fantany mialoha, no Nofidiany mialoha." Raha tianareo ny hamaky an'izany, Romana 8:28-34, ary koa Efesiana 1:1-5. Hitanareo, izay rehetra Fantany mialoha, no Nantsoiny. Izay rehetra Nantsoiny, no Nohamarininy. Ary izay rehetra Nohamarininy, noefa Nomeny voninahitra. Tsy misy na inona na inona tsy milamina. Mihevitra isika fa misy, saingy jereo ao amin'ny Soratra. Izany dia miseho marina mihitsy araka ny fomba nilazan'ny Tenin'Andriamanitra fa haha-izy azy. Hitantsika fa nolavina ny Hafatra, amin'izao andro izao. Tsy izany mihitsy ve no nolazain'ny Soratra fa hataon'izy ireo? Azo antoka, voatendrin'Andriamanitra mialoha ireo zavatra rehetra ireo.

<sup>130</sup> Oh, tokony hanao anareo hamindra sambatra Izany. Izany no olana amintsika amin'izao andro izao, tena fahasamihafana betsaka amin'ireo Kristiana fahiny. Rehefa ilay tena fanambarana, marina an'i Jesosy Kristy ho Imanoela no nitoetra tao amin'ny fon'ireo lehilahy ireo, dia olona matanjaka izy ireo. Fa dokadokafan'ireo anaram-piagonana isika amin'izao andro izao, amin'ny hoe, "Oh, lazaiko aminareo, tsy manana Fanambarana izy ireo. Tongava eto ianareo." Miankina amin'ny fanambaran'izy ireo ianareo. Raha tsy araka ny Tenin'Andriamanitra ny fanambaran'izy ireo, amin'izay fotoana izay dia diso ilay izy; na ny ahy na ny an'olona hafa iray, eo no tonga ny fampitahana. Ny Tenin'Andriamanitra no miteny hoe iza no marina sy diso!

<sup>131</sup> Tsy maintsy manana ny taniny ny voa rehetra, mazava ho azy. "Noho izany, izay rehetra Fantany mialoha..." Hitanareo,

efa Fantany izay hitranga. Mariho, nilaza indray Jesosy, mikasika ny Voa hoe, "Ny sasany nilatsaka teo amin'ny vato, ny hafa tao amin'ny tany nifangaro." Hitanareo, teo amin'ireo izay nisy tsilo, songosongo, sy ny zavatra hafa, tsy afaka nitombo Izy. Ary ny hafa teo amin'ny tany tsara, tany tsara, tanimboly tsara, izay voaomana, efa voaomana.

<sup>132</sup> Ny olona rehetra eto, dia tahaka ny akohovavy iray, mijery foana izy, miezaka ny hahita. Tonga ao amin'*ity* izy, ary tonga ao amin'*itsy*, fa afaka kelikely dia tonga ny Antsoantso tampoka avy any An-danitra. Fantany haingana mihitsy Izany hoe, "Izany no Tenin'Andriamanitra!" Hitanareo, fantany Izany satria misy zavatra ao am-pony izay nolazaina taminy, voambara taminy ny mikasika an'Izany.

<sup>133</sup> Mariho, hoy Isaia mpaminany hoe, "Hanan-anaka ny virijiny." Filazana hafahafa toy ny inona. Ahoana ny—ny lehilahy iray ao amin'ny sainy tsara no afaka nilaza an'izany? Tsy mbola nisy mihitsy virijiny iray nanan-anaka. "Hanan-anaka ny virijiny!" Ankehitriny, tsy nanahy ny amin'ny filazana an'Izany izy, nolazainy fotsiny Izany. Ahoana no hanaovany an'izany? Eny, tsy asany izany! Izy... Ilay izy dia ny milaza fotsiny an'izay nolazain'Andriamanitra fa hanaovana azy. Nanambara an'izany taminy Andriamanitra, naneho taminy an'ilay fahitana; nanambara azy, ary marina ilay izy.

<sup>134</sup> Tahaka ny nilazan'Andriamanitra tamiko mihitsy fa ilay zaza kely dia ho teraka avy amin'io lehilahy izay tsy afaka hahazo zanaka io, na hahazo zazavavy iray. Tahaka ny hafa sy ny sisa, hafahafa toy ny ahoana izany rehefa hoy ilay dokotera hoe, "Tsy mety hitranga izany!"

<sup>135</sup> Fa rehefa hoy Andriamanitra hoe, "Hitranga izany," dia miankina amin'ny hoe eo amin'ny karazana teny inona ilay izy no milatsaka. Tsarovy, nitsangana teo ilay mpaminany ary nivoaka Ny Teniny.

<sup>136</sup> Tahaka an'Andriamanitra, ao amin'ny Genesisy 1, hoy Izy hoe, "Aoka hisy mazava. Aoka hisy *ity*. Aoka hisy *itsy*." Namorona ny olona araka ny Endriny Manokana, endrik'Andriamanitra no Namoronany azy ireo, lahy sy vavy, ary tsy mbola nisy na inona na inona teto ambonin'ny tany. Avy eo, mahita isika ao amin'ny Genesisy 2, eto, fa nanao ny olona araka ny Endriny Manokana Izy. Tsy nisy olona hiasa ny tanimboly, taorian'ny sisa tamin'ny famoronana. Inona izany? Izany No Teniny, Izy no niteny an'Izany. Ary rehefa niteny Izy, hoy Izy hoe, "Aoka hisy mazava." Mety tsy nisy mazava nandrity ny valonjato taona taorian'izany, mety tsy nisy mazava, saingy Izy no niteny an'Izany! Ary raha mbola Izy foana no niteny an'Izany hoe, "Aoka hisy hazo palma iray. Aoka hisy hazo ôka iray. Aoka hisy an'*ity*," dia naka endrika tao ambanin'io rano io ireo voa ireo. Marina izany. Ary tamin'ilay vanim-potoana, tamin'ilay

fotoana, tamin'ny vanim-potoany manokana, namokatra izany! Izany dia tsy mety diso; izany no Tenin'Andriamanitra. Izany dia tsy mety diso mihitsy. Izany dia efa voaseho.

<sup>137</sup> Ankehitriny, indray andro, niresaka tamin'ny olona Andriamanitra, nifanatrika. Fa tamin'ny andron'i Mosesy, rehefa nilatsaka ny afo, dia hoy izy ireo hoe, "Aoka Andriamanitra... Aoka i Mosesy no hiteny; fa tsy Andriamanitra, mety ho levona izahay."

<sup>138</sup> Noho izany, dia hoy Izy hoe, "Tsy hiteny amin'izy ireo intsony tahaka an'izany Aho. Hanangana mpaminany iray ho azy ireo Aho." Tahaka an'izany foana ny fomba fiasan'Andriamanitra.

<sup>139</sup> Ankehitriny, indro mitsangana ny mpaminany iray; ankehitriny, eo ambanin'ny tsindrimandry izy; tsy misaina ny amin'ny fahalalany izy, "Ankehitriny, andraso iray minitra. Raha hilaza an'izany aho, eny, fantatralo, hihevitra ny olona fa very saina aho." Hitanareeo, izany no fahalalany; mihaino an'i Satana izy eo, tahaka ny nataon'i Eva mihitsy.

<sup>140</sup> Ary raha mbola milaza foana ny dokotera hoe, "Tsy afaka ny ho velona ianareeo. Tsy afaka ny ho salama ianareo. Tsy afaka hanao an'ity na itsy ianareo." Raha mbola mihaino an'izany foana ianareeo, dia tsy hilatsaka mihitsy ao amin'izany karazana tany izany ilay Voa ary tsy hahavita soa. Tsy mahavita Izy. Fa rehefa misy zavatra iray manongotra an'izany rehetra izany, ka milatsaka ao amin'ilay tany famafazana Izany, dia tsy misy na inona na inona afaka hanongotra an'Izany.

<sup>141</sup> Ankehitriny, tsy mampaninona na hafiriana no ilain'izany, hitranga izany. Ankehitriny, hoy Izy hoe, "Hanan-anaka ny virijiny." Efa fantatralo ve fa valonjato taona no lasa talohan'ny nitrangan'izany? Efa nahafantatra mialoha an'ilay vehivavy Andriamanitra, ho iza izy, iza no anarany, aiza no hilatsaka io Voa io. Mino an'izany ve ianareo? Azo antoka, nahafantatra Izy! Ary avy amin'ny kibo ara-bakiteny no hivoaka io fahagagana lehibe io. Nahafantatra mikasika an'izany Andriamanitra, Nambarany fotsiny tamin'ny Mpaminaniny izay nahatoky sy niteny ny Teny ilay izy. Tsy nieritreritra akory aza ny amin'ny hoe inona Izany, nolazainy fotsiny Izany. Tsy nanandrana ny handanjalanja an'Izany mihitsy izy.

<sup>142</sup> Raha manandrana mandanjalanja ianareeo... Ahoana moa raha io lehilahy io, io vehivavy io, na io lehilahy mipetraka eto io, na olona iray no manandrana mandanjalanja hoe, "Ankehitriny, efa kilemaina nandrity'reo taona rehetra ireo aho. Hoy ilay dokotera hoe, 'Tsy misy anjara iray mety hisy'?" Eny, mety tsy misy angamba arak'izay fantany, ary marina izany.

<sup>143</sup> Fa raha misy zavatra iray afaka manongotra an'ireo ahidratsy ireo, raha Andriamanitra nohon'ny Fahasoavany; tsy ilay mpitoky teny, tsy olona iray hafa. Fa afaka mametraka fanambarana iray ao am-ponareo Andriamanitra, hoe, "Ho

salama aho,” dia tsy misy na inona na inona hihazona anareo hipetraka eo. Tsy misy na inona na inona afaka hihazona anareo eo, ho salama ianareo! Fa mandra-pitrangan’izany, dia hipetraka tsara eo amin’izay lazain’ilay dokotera fa hipetrahanareo ianareo; mandra-pitrangan’izany. Tsy maintsy voambara ilay izy. Ny fahasoavan’Andriamanitra no manambara an’izany.

<sup>144</sup> Ankehitriny, mariho, efa fantatr’Andriamanitra ilay vehivavy izay hahatongavan’Izany. Mariho Isaia, tsy nisy fanontaniana. Tsy nilaza Isaia hoe, “Andraso iray minitra, Tompo! Avelao... Andraso iray minitra fotsiny! Inona no Nolazainao tamiko, ‘Hanan-anaka ny virijiny?’ Eny, ankehitriny, ankehitriny andraso, Ray, tsy—tsy—tsy nisy mihitsy ny zavatra tahaka an’izany izay vita.”

<sup>145</sup> Tsy niahatra izy, hoy fotsiny izy hoe, “Hanan-anaka ny virijiny!” Marina.

<sup>146</sup> Mariho i Maria: “Ankehitriny, ankehitriny Tompo, andraso iray minitra. Fantatrao fa izaho—izaho dia tsy nahalala lehilahy iray mihitsy. Tsy azo atao izany! Tsy nisy na inona na inona tahaka an’izany nitranga mihitsy! Ohhh, oh, tsia, tsy nisy na inona na inona tahaka an’izany nitranga mihitsy. Ahoana no hananako an’io zaza io? Tsy mahalala lehilahy aho, noho izany tsy afaka hitranga izany! Ah, ry Anjely, diso mihitsy ianao. Manana fijery an’eritreritra aho. Fantatrao, hoy ny fiangonako hoe, ‘Efa lasa izany andro izany.’” Tsia! Izy dia tsy hilatsaka mihitsy ao amin’ny toerana tahaka an’izany. Tsy nanontany mihitsy i Maria.

<sup>147</sup> Hoy izy hoe, “Ahoana no hahatanteraka an’izany? Tsy mahalala lehilahy aho.”

<sup>148</sup> Hoy Izy hoe, “Ny Fanahy Masina no hanaloka anao. Toy izany no hitrangany.”

<sup>149</sup> Hoy izy hoe, “Indro, ny ankizivavin’ny Tompo!” Tsy misy fanontaniana!

<sup>150</sup> Hitanareo, Isaia, rehefa Andriamanitra no namokatra ny Teny tamin’ny alàlan’ny fisainana (fanambarana) tao am-pon’i Isaia, dia nilatsaka tao amin’ny tany tsara Izany, mpaminany iray. Tsy niraharaha ny fahendren’olona mihitsy io mpaminany io. Tsy niraharaha ny fahaizan’olona izy. Tsy niraharaha ny amin’ny olon’iza na iza izy. Fantsona voatokana iray ho an’Andriamanitra izy, ary niteny Andriamanitra dia niteny izy. Izay ihany. Na nandratra ilay izy, na tsy nandratra; na toy ny hoe adala ilay izy, na tsy toy ny hoe adala; tsy nanao fahasamihafana taminy izany. Izany dia Andriamanitra, fa tsy ilay lehilahy.

<sup>151</sup> Ary rehefa nivoaka io Teny io, lasa Voa iray Izany ankehitriny, tsy maintsy milatsaka any ho any Izany. Raha Andriamanitra no nilaza an’Izany, dia tsy maintsy misy kibo iray any ho any hilatsahan’Izany. Tahaka ny Nolazainy mihitsy hoe, “Ny zavatra rehetra dia azo atao ho an’ireo izay mino. Raha

miteny amin'io tendrombohitra io ianareo hoe, ‘Mifindrà,’ ka tsy misalasala ao am-ponareo, dia afaka nahazo izay nolazainareo ianareo.” Hitanareo, tsy maintsy misy any ho any izay marina!

<sup>152</sup> Mariho! Ankehitriny, hitantsika fa Isaia eto no niteny an’Izany.

<sup>153</sup> Ilay Maria virijiny, vantany vao... Efa voavoatra ireo tany. Efa virijiny izy. Izy tsy “nihodinkodina.” Efa voaomana ireo tany, na voafidy mialoha tamin’ny alàlan’ny fahalalana mialoha an’Andriamanitra.

<sup>154</sup> Voalaza mihitsy aza hoe, “Virijiny iray izy.” Tamin’izay mihitsy dia efa fantatr’Andriamanitra hoe iza no ho anarany. Satria efa tao amin’ny Bokin’ny Fiainana tany An-danitra ny anarany.

<sup>155</sup> Avy eo, voamarina Izany. Ny olona tamin’izany fotoana izany (ho an’ny olona) dia nahita ny fanehoana an’Izany tamin’ny alàlan’ireo asa, rehefa vita ilay izy. Ankehitriny mijery any aoriana isika ka manao hoe, “Azo antoka, vita Izany,” satria mahita an’ireo asa izay vita isika.

<sup>156</sup> Ireo asan’i Noa no naneho tamin’ny olona, hoe inona ny finoany tao amin’ny teny fikasan’Andriamanitra. Ankehitriny, nihaona tamin’i Noa Andriamanitra, ka hoy Izy hoe, “Noa, ho avy ny orana. Handrava ny tany manontolo amin’ny rano Aho.” Ankehitriny, tsy mbola nanorana mihitsy tamin’izany, izany ilay tsy azo atao. Eny, ankehitriny, Noa dia... Hoy Izy, “Manamboara sambofiara iray amin’ny refiny izay Holazaiko anao.” Ary satria mpandrafitra iray izy, dia nandeha niasa ary nanomboka naka ny antsy lavany, sy ny zavatra rehetra hanapahana an’ireo hazo fisaka, ka nametaka azy tamin’ny hazo akasia, ary nanisy ny dity tao amin’izany tahaka ny Nolazainy mihitsy. Ary azonareo sainina ve izay noeritreretin’ny olona mikasika an’io lehilahy io?

<sup>157</sup> Hoy izy ireo hoe, “Adala tokoa io lehilahy io, satria hoy izy hoe, ‘Hitondra rano avy any an-danitra izany,’ nefä tsy misy rano any ambony any.” Fa, hitanareo, tsy nieritreritra ny amin’izany i Noa. Ireo asany no naneho tamin’ny olona hoe inona ny finoany ary inona no nolazain’Andriamanitra fa hiseho.

<sup>158</sup> Izany no antony hampisarahan’ny Kristiana tena izy ny tenany amin’ny zavatra rehetra afa-tsy ny Tenin’Andriamanitra, tsy mampaninona izay heverin’ny olona, izay lazain’ny olon-kafa. Voasaraka izy satria... Tsy milaza fotsiny an’izany izy; raha izany izy, tsy ho ela dia ho fantatra ireo asany. Ho lavo indray izy ka hikorisa amin’ity ilany ity, sy hikambana amin’ity anankiray ity sy ity anankiray ity. Ary hanomboka... Izy dia—izy dia hampiseho an’izay maha-izy azy. Fa raha tena izy iray izy, raha namaka tao aminy ny Tenin’Andriamanitra, amin’izay fotoana izay dia hamokatra ny Karazany Izany, hahita an’io

lehilahy io miomana ho an'izany ora lehibe izany ianareo. Hitanareo, tahaka an'izany no nataon'i Noa.

<sup>159</sup> Mosesy, niaraka tamin'ny tehina iray teny an-tànanay, dia tonga haka ny olona avy teo amin'i Farao. Ankehitriny, azonareo eritreretina ve... Mosesy, nilaza ny Baiboly fa nampianarina tao amin'ny fahendrena rehetra an'ireo Egyptiana izy. Nanan-tsaina izy, afaka nampianatra zavatra an'ireo manam-pahaizany. Nampianarina tao amin'ny fahendren'izy rehetra ireo izy. Tsy nila nampisondrotra ny fianarany izy. Ankehitriny, eritreretinareo fotsiny ny amin'ny lehilahy iray tany an-efitra tany, niaraka tamin'izany fianarana rehetra izany, ary avy eo dia niseho taminy Andriamanitra ka nanao hoe, "Ry Mosesy, ento eny an-tànanao iny tehina iny ka mandehana mankany Egypta, dia ento mivoaka amin'iny tsora-kazo eny an-tànanao iny ireo Zanako. Kapohy mafy amin'iny tsora-kazo iny fotsiny ny zavatra manontolo."

<sup>160</sup> Ankehitriny, ahoana moa raha ho nilaza i Mosesy hoe, "Tompoko, vetivety fotsiny, nihevitra aho fa niresaka tamin'ny Vatana mahay iray, io 'IZAHO NO IZY' lehibe izay Lazainao fa Ianao io. Ankehitriny, ahoana marina no mba hitondrako an'ity tehina kely, bingo ratsy izay ananako eto an-tànakao ity, ka hifehezako tafika iray misy lehilahy an-tapitrisany, mitàna lefona, mpiady? Ary izaho tsy mpiady iray, mpiandry ondry iray aho. Ahoana no mba ahafahako manao an'izany?"

<sup>161</sup> Tsy nisy fanontaniana teo! Nahoana? Nahoana? Ilay tany tao am-pony! Olona voafidy mialoha izy. "Ireo fanomezam-pahasoavana sy antso dia tsy misy anenenana." Andriamanitra no niteny tamin'i Abrahama fa hanao an'izany Izy, ary nisy tany voaomana teo.

<sup>162</sup> Dia nitondra an'io tehina io i Mosesy ka nandeha tany ary namoaka an'io firenena io avy tao amin'ny firenena iray. Rehefa tonga niaraka tamin'ny tehina iray teny an-tànanay izy, ka niteny tamin'i Farao hoe, "Avelao izy ireo handeha!" Farao dia nahita tao amin'i Mosesy an'ireo asa, hoe nanana finoana tamin'izay hataony izy, na niezahany natao. Nanana finoana tao amin'ny teny fikasan'Andriamanitra izay nanao an'ilay teny fikasana izy, nandeha izy mba hifehy azy. Tsy nisy olon-kafa hahavita an'izany, ary tsy nisy olon-kafa afaka nanao an'ilay izy, izy no voatendry hanao an'izany. Andriamanitra, mialoha, dia niteny tamin'i Abrahama fa izany mihitsy no hitranga. Ary rehefa nanakaiky ilay fotoan'ny teny fikasana, dia nisy zazalahy kely iray teraka, zanaka tsara tarehy iray. Ary ireo raiamandreny, Amrama sy Jokebeda, dia tsy natahotra an'ilay didin'ny mpanjaka. Hitanareo, nisy zavatra teo, efa voaomana ireo tany.

<sup>163</sup> O Andriamanitra, manantena aho fa miresaka amin'ny tany voaomana, izao hariva izao! Raha afaka milatsaka ao amin'ny

toerana marina ilay Voa, ka izany dia ho zava- . . . Raha tsy izany, dia tsy hitranga ilay izy.

<sup>164</sup> Izany ilay zavatra mitovy. “Nahoana,” hoy ianareo, “Rahalahy Branham, toa karazan’ny tsy misy idiranay izany.” Raha izany no izy, dia tsy misy idiran’ny Kristianisma, ihany koa. Hitanareo, afaka maka tahaka ny zavatra rehetra ianareo. Fa raha ny . . . Raha tena milatsaka tokoa Izany, milatsaka ao amin’ilay karazana tany tsara ny Tenin’Andriamanitra, dia hamokatra ny Karazany Izany. Tsy maintsy izany, satria Voa iray Izany.

<sup>165</sup> Noa . . . Mosesy, ireo asany, no naneho ny finoana tao amin’ny teny fikasan’Andriamanitra izay ninoany. Farao, ilay olona, dia afaka nahita hoe inona izany. Tsy . . . tsy afaka nahita izy hoe ahoana no hanaovan’i Mosesy an’ilay izy, fa fantany hoe nino an’izay noteneniny i Mosesy raha tsy izany dia tsy ho nitsangana teo amin’ny lapa niaraka tamin’ny tehina iray teny an-tànanay izy. Hoy izy, “Amin’ny alàlan’ity tehina ity, no hamoahako azy ireo avy eto aminao.” Lehilahy antitra iray, valopolo taona, tsy mpanao fanatanjahan-tena; lehilahy antitra iray, milatsatsoroka, ary ireo volombava midina hatrany amin’ny, angamba, ny valahany; volo fotsy, raha mba nanana izy. Ary teo niaraka tamin’io tehina teny an-tànanay io, nanao hoe, “Hamoaka azy ireo aho, avelao ny olona handeha,’ HOY NY TOMPO HOE. Fa raha tsy hanao an’izany ianao, dia hitsara anao Andriamanitra.” Amena! Nahoana? Izany no . . . Hitanareo, izany . . . Natahotra ve izy? Nahoana, tsipika anankiray fotsiny, lefona anankiray, zavatra hafa iray dia ho nampitsahatra an’izany. Tsy nanantahotra izy! Fantany marina hoe taiza izy no nitsangana; hoy izy, “Andriamanitra no hikapoka anao, ry Farao.” Eny, tompoko.

<sup>166</sup> Satria niteny taminy Andriamanitra hoe, “Ho tonga eto amin’ity tendrombohitra ity indray ianao,” dia fantany fa handeha any izy.

<sup>167</sup> Haleloia! Mahafantatra ihany koa isika hoe ho aiza isika, amin’ny fiafarano’izao diantsika izao. Andriamanitra no efa nampanantanena! Misy Tany iray any ankoatr’ilay renirano. Aoka tsy hanan-tahotra amin’ny fijoroanareo vavolombelona. Amena. Raha voambara taminareo ilay izy, dia tsy manantahotra ianareo. Tsy ahoanareo raha izao tontolo rehetra izao . . . izay lazain’izy ireo; tsy manan-tahotra ianareo. Rehefa voambara aminareo ilay izy, hoe, “Izany no Fahamarinana avy amin’Andriamanitra,” amin’izay fotoana izay dia tsy hanantahotra ianareo. Raha tsy izany, dia tsy mety ho izany ianareo.

<sup>168</sup> Davida, niaraka tamin’ny antsamotadin’ny mpiandry ondry, dia naneho tamin’ilay tafika Isiraelita manontolo, ny finoana izay nananany tao amin’ny Andriamanitr’izy ireo. Ankehitriny, nisy an’i Goliata teo amin’ilay ilany hafa, ary nijoro teo izy sady nanao ny fireharehany. Goavana be lavitra noho i Davida,

izy dia nanana rantsan-tànnana efatra ambin'ny folo inches ny halavany. Ary izy dia lehilahy ranjanana, goavana be, ilay olombe Filistina. Ary indro Davida, ilay kely indrindra, kely loatra mihitsy aza izy raha ho ao amin'ilay tafika; fonentana kely loatra, ka tsy afaka nampiasa azy izy ireo. Noho izany, dia ireo rahalahiny no tao amin'ilay tafika. Ary, tamin'izay fotoana izay, nanao ny fireharehany i Goliata.

<sup>169</sup> Fa Davida, tsarovy ankehitriny, voambara tamin'i Davida ilay izy. Nieritreritra izy hoe, "Indro ireo tafik'Andriamanitra velona, mitsangana ao amin'ny taniny manokana, ary misy Filistina tsy mifora mpirehareha iray eo." Isika dia hiantso azy hoe "homamiadana" izao hariva izao, isika dia hiantso azy hoe "paralysisa."

<sup>170</sup> Nahoana, tsy karazan'ny hahatohitra azy i Davida, na inona no karazana fitaovalam-piadiana; tsy nahatohitra izy. Ireo sorok'ity lehilahy ity angamba dia folo, roa ambin'ny folo dian-tongotra ny velarany; izy dia nitsangana angamba efatra ambin'ny folo, dimy ambin'ny folo dian-tongotra ny haavony. Lefona iray tahaka ny vodi-tenon'ny mpanenona, angamba roapolo dian-tongotra ny halavany, ny lela-lefona teo amin'izany dia angamba efatra dian-tongotra ny velarany.

<sup>171</sup> Ary Davida kely iray no nitsangana teo niaraka tamin'ny tapaka hoditra kely iray, hoditr'osy na hoditr'ondry, niaraka tamin'ny tapaka tady anankiroa nafatotra teo aminy. Fa *voambara* taminy ilay izy! Nahazo azy ny fanambarana! Amena! Hoy izy hoe, "Ilay Andriamanitra izay nanafaka ahy tamin'ny tongotry ny bera, izay nanafaka ahy tamin'ny tongotry ny liona, tsy mihoatra noho izany ve no Hanolorany an'io Filistina tsy mifora io eto an-tànakol!"

<sup>172</sup> Ireo rahalahiny, afaka manao mihoatra lavitra an'ilay izy. Saoly, ny loha sy soroka mihoatra ny tafiny. Fa, hitanareo, tsy voambara tamin'izy ireo izany. Amena. Io ilay izy: nino izy ireo fa azo natao izany, nino izy ireo fa afaka nanao an'ilay izy Andriamanitra, saingy tsy voambara tamin'izy ireo izany; fa voambara tamin'i Davida. Ankehitriny, io ilay fahasamihafana, teo mihitsy. Raha tena voambara aminareo tokoa fa hanasitrana anareo Andriamanitra, ianareo dia—ianareo dia hahazo an'izany. [Elanelana tsy voaraki-peo—Mpand.] Ho azonareo izany. Tsy ahoako izay tsy mety aminareo, inona ireo anjara, mety ratsy lavitra noho i Davida sy Goliata ilay izy. Fa raha voambara aminareo ilay izy!

<sup>173</sup> Ary mariho, rehefa voambara ilay izy, dia lasa tsy nanantahotra i Davida. Hoy izy hoe, "Androany no hanapahako ny lohanao!" Amena. Izany no Andriamanitsika. Nohon'ny fahasoavana, tao amin'io fotoana sarotra io rehefa tsy maintsy noraisina ireo fanapahan-kevitra, dia io Andriamanitra io ihany izay namokatra ny fahasoavana tamin'io andro io, ka

nandatsaka an'io voan'ny finoana io tao anatin'ity zazalahy kely toa mivokin-damosina ity, rehefa tao am-pony; io Andriamanitra io ihany, ao amin'ny fotoana sarotra, dia afaka hanala an'io vehivavy io avy eo amin'ilay sezamisy kodiarana; *itsy* lehilahy itsy; *ity* vehivavy eto ity; ilay ankizy; ilay...?... Rehefa voambara aminareo io voa kelin'ny finoana io, amin'izay fotoana izay dia tsy ahoako na hafiriana no ilain'izany.

<sup>174</sup> Ankehitriny mariho fa ilay olom-be, tetsy amin'ny ilany hafa, dia tsy nino an'izany; ny homamiadana koa tsy hino azy. Nihomehy izy, hoy izy hoe, "Alika angaha aho? Maniraka an'io ankizy io hiady amiko eto ve ianareo?" Hoy izy, "Hahantoko ianao, eo amin'ny tendron'ny lefoko, ary ny vorona no avelako hihinana nynofonao." Nahoana, nananany avokoa ny...ny rehetra, ny zavatra rehetra teo amin'ny andaniny.

<sup>175</sup> Saingy, hitanareo, tsy nampihetsika an'i Davida mihitsy izany. Nahoana? Efa voambara taminy ilay izy. Nanana finoana tao amin'izay nataony izy. Fantany fa hataony ilay izy. Ary nataony izany, satria voambara taminy ary fantany izay nitsanganany.

<sup>176</sup> Ary raha Andriamanitra mihitsy no niteny an'izany, tao amponareo avy hatrany izao hariva izao, nanao hoe "Tsy handry eo amin'io fandriana io ianao. Tsy hipetraka eo amin'io sezamisy io ianao. Ho salama ianao," dia tsy hisy zavatra afaka hanova ny sainareo ao amin'izany.

<sup>177</sup> Fa mandra-pitrangez'izany, afaka mivavaka ny mpitoky teny rehetra eto amin'izao tontolo izao,...Tsy milaza aho hoe tsy afaka hanampy anareo izany; afaka izany, ary hampahery anareo. Fa mandra-pahatongan'io finoana io...Hitanareo, ao anatinareo ny herin'ny fanasitrana. Tsy avy amin'ilay mpitoky teny izany. Tonga aminated amin'ny alàlan'ny fanambarana izany, amin'ny alàlan'ny finoana. "Tsy amin'ny hery, tsy amin'ny tanjaka, fa amin'Ny Fanahiko," hoy ny Tompo. "Ny Fanahiko, nohon'ny fahasooavana, no manambara an'izany aminareo." Ary tsy misy na inona na inona afaka manaisotra an'izany. Amin'ny finoana, fanambarana! Noho izany, Davida mba hanaporofoina an'ireo asany,...

<sup>178</sup> Ankehitriny, hoy ny sasany tamin'izy ireo hoe, "Fantattro fa maditra ianao." Hoy ny rahalahiny hoe, "Tonga eto ianao mba hijery ny ady. Ankehitriny, mandehana ianao miverina any amin'izay misy an'ireo ondry."

<sup>179</sup> Hoy izy hoe, "Avelao aho hiteny amin'i Saoly, ilay jeneralysty Hitanareo?

<sup>180</sup> Ary hoy Saoly hoe, "Ankehitriny, anaka, mankasitraka ny herim-ponao aho, saingy, hitanao, tsinontsinona afa-tsy tanora iray fotsiny ianao. Fa izy dia efa mpiady hatramin'ny fahazazany, tsy hahatohitra azy ianao."

<sup>181</sup> Hoy izy hoe, “Efa niandry ny ondrin’ny raiko aho, . . .” Afaka nanankina an’izany teo amin’ny zavatra iray izy! Amena. O rahalahy! Ary ilay Andriamanitra izay namonjy ny fanahinareo, tsy afaka manasitrana ny vatanareo ve Izy? Mitovy mihitsy izany, manambara aminareo, fa Izy no Mpanasitrana anareo tahaka ny naha-Mpamonjinareo Azy. Hitanareo? Saingy tsy maintsy voambara aloha ilay izy, izany ilay fahasamihafana. Nanana zavatra iray nanankinana ny finoany izy.

<sup>182</sup> Hoy izy, “Ankehitriny, tsy mbola nitranga mihitsy ity tany aloha.”

<sup>183</sup> Fa hoy izy hoe, “Ilay Andriamanitra iray ihany izay nanafaka ahy tamin’ny tongotry nyiona, no hanafaka ahy amin’io Filistina tsy mifora io.”

“Ahoana no ahafantaranao, ry Davida?”

“Inoako ilay izy.”

“Nahoana?”

“Efa voambara tamiko izany.” Dia hoy izy hoe . . .

<sup>184</sup> Fantany izay noresahany. Satria rehefa hoy ilay olombe hoe, “Hataoko sakafon’ny vorona ianao”; dia hoy izy hoe “Hotapahako ny lohanao.” Io ilay fahasamihafana, hitanareo. Ary nataony izany!

<sup>185</sup> Samsona, tratra indray andro (tampoka) tao amin’ny tanety iray, ary indro tonga teo aminy ireo Filistina arivo. Fa njery tamin’ny tany izy, ary nisy boriky iray maty teo, dia nalainy ilay taola-maina tranaindy, valanorano, maina arak’izay naha-izy azy, ary nenjehiny ireo Filistina ireo, nikapoka azy ireo teo amin’ny lohany tamin’io valanoranom-boriky maina io, ary araka ny fantattro, dia tsy nisy nify iray niala avy tamin’izany. Ary ireo fiarovan-dohan’ny Filistina ireo angamba dia inch iray ny hateviny (satria nifampikapoka tamin’ny langilangy izy ireo tamin’izany andro izany), mba hiarovana ny olona tsy hikapoka azy ireo eo amin’ny loha. Fa nalainy ny valanoranon’io boriky io ary nokapohiny ireo Filistina arivo, nefà tsy tapaka mihitsy ilay valanorano. Nanohy nikapoka azy ireo fotsiny izy, tahaka an’izao, rehefa nanatona izy ireo. Noho izany, nandositra tany amin’ireo vatolampy ny sisa tamin’izy ireo, hitanareo, nanalavitra azy izy ireo. Nahoana? Nino an’izany izy! Matetika . . . Azo antoka.

<sup>186</sup> Te-hiteny zavatra aminareo aho ankehitriny. Miasà eo amin’izany fitempon’ny fo izany, izany hery manosika tampoka izany, tahaka ny nataon’i Josoa, tahaka an’i Maria Magdalena, ireo rehetra ireo. Amin’ilay fotoana izay isian’ny zavatra iray voambara aminareo mihitsy, rombahö izany. Mihazònà amin’izany, ilay hery manosika tampoka.

<sup>187</sup> Eny, voambara taminy izany. Lasa izy nihaona tamin’ireo an’arivony ireo, Filistina. Inona no neverinareo ankehitriny

rehefa hoy ireo Filistina ireo hoe, “Ankehitriny, jereo, iny avy iny, ilay fonentana kely; eo amin’ny efatra dian-tongotra sy sasany eo fotsiny angamba ny halavany, eo am-panombohana; miaraka amin’ireo randrana fito kely mihantona ao andamosiny, tahaka ny sarimbavy kelin’i mama, hitanareo; iny fa tonga miaraka amin’ny valanoronom-boriky iray. Nefa jereo isika, tafika lehibe iray toy ny inona! Tsy mahatsikaiky ve izany?” Fa inona no nataony? Naneho tamin’ireo Filistina ireo an’izay voambaran’Andriamanitra taminy izy. Norombahany ilay valanorano ary niainga izy, satria izany no Napetrany teo an-tanany; Izy no nametraka an’izany teo an-tanany, izany no ninoany: vitany ilay izy! Ary tamin’ny fanaovana an’izany, dia naneho tamin’ireo Filistina ireo an’izay napetrak’Andriamanitra tao am-pony mba hatao izy.

<sup>188</sup> Naneho ny finoany tamin’ireo asany i Jaona Mpanao-batisa, ary rehefa hoy izy hoe “Misy Anankiray izay mitsangana eo anivonareo ankehitriny.” Eritrereto fotsiny izany. Masindahy Jaona, manana ny Soratra aho, Masindahy Jaona 1:26, hitanareo. Hoy izy hoe...

<sup>189</sup> Hoy izy ireo hoe, “Milaza ve ianao hoe, ‘Tonga ny Mesia?’ Nahoana,” hoy izy hoe, “ralehilahy, inona ny manjò anao? Efa efajato taona izao no niandrasanay Azy.”

<sup>190</sup> Hoy izy hoe, “Mitsangana eo anivonareo mihitsy Izy ankehitriny.” Haleloia! Toy izany koa Izy izao hariva izao! Ah-hah.

<sup>191</sup> Naneho ny finoany tamin’ny alàlan’ny fanambarany izy, satria voambara taminy fa...fantany fa izy no hanao batissa ny Mesia. Izy dia lehilahy iray, telopolo taona. Fantany fa tsy maintsy ho teo Izy tany ho any; tsy nahafantatra mihitsy izy hoe iza Izy, nefo indro nitsangana teo anivon’izy ireo mihitsy Izy. Hoy izy hoe, “Misy Anankiray izay mitsangana eo anivonareo ankehitriny, Izay tsy fantatralereo, ary izaho tsy mendrika hamaha ny fehin’ny Kirarony, fa Izy no hanao batissa anareo amin’ny Fanahy Masina. Ary eo anivonareo mihitsy Izy ankehitriny.” Naneho an’izany izy, ny finoany, satria fantany, tamin’ny androny, fa izy no tsy maintsy hahita sy hanao batissa ny Mesian’Andriamanitra. Noho izany, hitanareo, afaka nahita an’ilay fanehoana teo aminy ny olona, tamin’ny fomba izay nitoriany sy tamin’ny fomba izay nihetsehany, izay naneho fa nanana fanambarana iray marina avy tamin’Andriamanitra izy.

<sup>192</sup> Ankehitriny, mba hanaporofoina fa marina izany, dia nanatona avy hatrany avy tao amin’ilay olona betsaka ny Mesia; lehilahy tanora tsotra iray fotsiny no nandalo teo, niakanjo tahaka ny lehilahy hafa. Hoy i Jaona hoe, “Indro, ny Zanak’ondrin’Andriamanitra izay manaisotra ny fahotan’izao tontolo izao.”

<sup>193</sup> “Ahoana no ahafantaranao Azy”

<sup>194</sup> Hoy izy hoe, “Izy izay niteny tamiko, tany an-efitra hoe, ‘Eo amin’Izay hahitanao ny Fanahy midina, dia izany ilay Anankiray izay hanao batisa amin’ny Fanahy Masina.’”

<sup>195</sup> Hitanareo, fantany Izy satria teo ilay natao ho famantarana iray saiky tamin’io fotoana io. (Azonareo ve Izany?) Fantatr’i Jaona mihitsy ny mikasika an’ilay ora, satria mpaminany iray izy. Voambara taminy izany, ka fantany fa saiky ho amin’izany fotoana izany, no hahitany famantarana iray. Ary rehefa hitany io famantarana io, dia hoy izy hoe, “Mitsangana eo anivonareo Izy.” Fantany fa teo Izany.

<sup>196</sup> Oh, hitako ilay famantarana fa eto ny andro farany. Hitako fa ireo zavatra izay nampanantaina, ho an’ity Hafatry ny andro farany ity, dia miseho (miharihary) tena tahaka an’izay nolazain’ny Soratra marina mihitsy. Ary fantatro fa antomotra ilay fotoana! Milaza an’izany tsy misy fihambahambana aho. Mino aho fa antomotra izany, satria hitako ireo famantarana izay Nolazainy fa hitranga mihitsy alohan’izany fotoana izany. Vonona ny hitranga izany *ankehitriny*.

<sup>197</sup> Naneho ny finoany tao amin’izay nambaran’Andriamanitra taminy i Jaona. Noho izany, ireo asa no vavolombelon’ny finoana. Rehefa hitan’izy ireo ianareo mihetsika toy ny hoe efa sitrana, amin’izay fotoana izay dia ho fantatr’izy ireo fa manana finoana ianareo fa sitrana.

<sup>198</sup> Inona no lazain’ny vavolombelona? Milaza an’izao: “Azoko ilay izy ankehitriny, satria nandray ny fampanantenan’Andriamanitra aho. Miasa ao anatiko ilay izy ankehitriny. Mivonona ny hitrangan’izany aho.” Ah-hah. Hitanareo, izany no vavo-...no ataon’ireo asanareo. Eny, azo antoka!

<sup>199</sup> Teto, fotoana vitsy lasa izay, talohan’ny diako farany tany Afrika; tany mihitsy aho tamin’ity lohataona ity, saingy ilay dia talohan’izany. Nisy zaza kely iray izay nanana tongotra sampona, ka ny tongotra iray...ranjo fohy kokoa noho ilay iray hafa. Tsy nanao kiraro mihitsy izy teo amin’ny fiainany. Oh, tena simba nahatsiravina indrindra izany. Dia nivavaka ho an’ilay zaza aho tamin’io hariva io, nandinika sy nahita an’ireo zavatra ireo vita, nivavaka ho an’ilay zaza izy ireo. Ary lasa aho ny ampitso maraina, nandalo teo amin’ny fivarotan-kiraro iray. Dia nidiitra tao aho, ary tao ilay lehilahy nividy kiraro hanaovan’ilay zaza. Nino an’izany izy! Ah-hah.

<sup>200</sup> Tahaka an’ity lehilahy eto ity, izay nino fa hanome azy an’ilay zaza Andriamanitra. Azo antoka, nino izy fa hitranga izany, dia nivonona ho an’izany. “Mivonona aho.” Na dia tsy mbola hita aza ireo vokatra ara-batana, fa tsy nanao fahasamihafana izany na kely aza. Nino an’izany izy, tahaka an’i Abrahama, “niantso ny zavatra rehetra nifanohitra ho toy ny tsy nisy.” Izay!

<sup>201</sup> Noho izany, raha miteny aminareo ireo ara-tsainareo... Oh, inty ilay fanindronana ankehitriny. Miteny aminareo ireo ara-tsainareo fa “Izany no Fahamarinana, Andriamanitra no Mpanasitrana ny aretina,” afaka mijoro vavolombelona ny sainareo fa “Izany no Fahamarinana,” saingy raha tsy misy tany famafazana ao amin’ny fonareo (finoana, mba hilatsahany) mba haneho an’izany, dia tsy hitranga izany. Tsia. Betsaka . . .

Tsy mampaninona na impiry no iadian’ity olona ivelany ity hevitra amin’ny Soratra, ka manao hoe, “marina izany,” dia mbola tsy manao an’ilay izy ho marina foana izany.

<sup>202</sup> Firy no mandray an’ireo horonam-peo? Efa azonareo ve ny toriteniko, vao tsy ela akory izay, *Ireo Voahosotra Amin’Ny Andro Farany?* Nino an’izany ve ianareo? Hitanareo, izao no voalaza hoe, “Hisy ireo antikristy. Ireo antikristy dia saiky hamitaka an’ilay tena voafidy, raha azo atao.” Tsy vitany izany, ny . . . Fa tsy vitany, satria tsy azo atao izany; voafidy izy ireo. Hitanareo? Eny àry.

<sup>203</sup> Fa hoy Izy hoe, “Ireo voahosotra.” Hitanareo, *Kristy* dia midika hoe “voahosotra,” saingy ireto dia anti. Voahosotra izy ireo, saingy anti, manohitra an’i Kristy ao amin’ny fampianarany. Ankehitriny, afaka manao ny zavatra rehetra izay azon’ny sisa amin’izy ireo hatao izy ireo.

<sup>204</sup> Ankehitriny, tsarovy, fihodinan-javatra telo ianareo, saingy olona anankiray. Toy ny hoe Ray, Zanaka, ary Fanahy Masina, fihodinan-javatra telo, saingy Olona anankiray. Toetra telo an’ilay Andriamanitra iray ihany: maha-ray (asa telo, ohatra), maha-ray, maha-zanaka, ary Fanahy Masina. Ary ianareo dia: vatana, fanahy, ary aina.

<sup>205</sup> Ankehitriny, manana fidirana dimy ilay vatana ivelany ao aminy, mba ifandraisana amin’ny tranonareo eto an-tany: mahita, manandrana, mahatsapa, manimbolo, ary mandre. Ilay ao anatin’ny, izay ny fanahy, manana taovam-panamboloana dimy izy: fieritreretana, sy fitiavana, sy ny sisa. Fa ny ao anatin’izany, ilay aina, dia manana zavatra anankiray. Ao *ianareo* no miaina.

<sup>206</sup> Afaka ny ho tonga eto ivelany eto ilay Fanahy ka hanosotra anareo hanao zavatra sasany, ary manao an’ilay izy ianareo, saingy tsy midika izany fa voavonjy ianareo. Eritrereto izany. Naminany i Kaiafa. Nandroaka devoly i Jodasy. Hitanareo, ilay Fanahy no nanosotra azy. Milatsaka eo amin’ny marina sy ny tsy marina io orana io, afaka mifaly miaraka amin’ilay vary ireo ahidratsy. Fa ilay izy dia ao amin’ilay atiny. Eo no ahafahan’ireo ara-tsainareo manaiky an’ilay izy, manao hoe, “Oh, azo antoka, toa ohatra ny tsara izany. Mino an’izany aho.” Tsy mbola mahavita an’ilay izy izany. Tsia, tompoko. Ary afaka manao vavolombelona ny amin’izany tokoa ilay fanahy, nefo mbola tsy izy foana izany. Satria raha tsy avy tamin’Andriamanitra io aina io, dia afaka manao ny fakan-tahaka rehetra izy eto,

saingy tsy mety ho tena izy izany. Afaka manao ny fanasitrana na ianareo, afaka mihetsika tahaka ny hoe manana azy ianareo. Afaka mihetsika tahaka ny hoe mandray azy ianareo. Ireo Kristiana dia afaka mihetsika tahaka ny hoe Kristiana izy ireo, ary mihetsika ka tena manao an'ilay izy ho tena tsara, saingy tsy midika izany fa voavonjy izy ireo. Tena marina tokoa izany, hitanareo. Afaka ny ho eo ilay Fanahy, ilay tena Fanahy, tena izy. Afaka manosotra anareo ny Fanahy Masina, fa tsy midika izany hoe voavonjy ianareo. Izany dia ilay aina ao anaty izay tsy maty mihitsy, izany no manana ny Fiainana Mandrakizay. Efa Fiainana Mandrakizay foana izany. Hitanareo? Izany dia avy tamin'Andriamanitra, ary ho any amin'Andriamanitra, izany ilay aina.

<sup>207</sup> Ankehitriny, mariho izany, tsy maintsy izany ilay izy. Dimy, f-i-n-o-a-n-a, ivelany; fanahy, J-e-s-o-s-y; eo amin'ilay anatin'y, i-a-n-a-r-e-o. Hitanareo? Izany no antony hoe raha mitsangana eto aho, mijery anareo, dia tsy mahafantatra ny anankiray aminareo. Afaka manosotra ahy ilay fanahy, fa tsy mbola mahafantatra ny iray aminareo foana aho. Fa rehefa io anatin'ny anatin io no mitsofoka, dia izany no Andriamanitra.

<sup>208</sup> Eo no ahafahan'ilay ivelany mandanjalanja. Alaivo ny olona iray, manao hoe, "Eny, fantatrareo, izaho—izaho dia mahafantatra fa tsy natao hijangajanga aho. Fa, fantatrareo, miteny amiko ny fanahy avy eo hoe tsy tokony hijangajanga aho. Fa, hitanareo, ao ambany ao dia mbola ao foana io zavatra io." Hitanareo, hifehy ao foana izany, ka tsaratsara kokoa ny mitandrina azy.

<sup>209</sup> Fa rehefa avy ao amin'ilay anatin'y no mitarika azy, dia izany no manakambana ny sisa rehetra amin'izany. Izany ilay andrim-pitarihana. Izany ilay tilikambom-pifehezana, ilay anatin'ny anatin'y. Ny aina no mifehy ny fanahy, ny fanahy no mifehy ny vatana.

<sup>210</sup> Noho izany tsy manao fahasamihafana mihitsy ny famotsiana ny ivelany. Ireto olona mpivavaka teto ireto, izay nantsoin'i Paoly hoe "rindrinanofotsiana," sy ny sisa, izy ireo dia (ny ety ivelany) amin'ny fomba rehetra mihitsy ilay...mpino iray, ary nanana faminaniana izy ireo teo anivony, sy ny zavatra hafa rehetra saingy ilay *anatin'ny anatin* ("ny *aina* izay tsy mino").

<sup>211</sup> Izany no antony ilazako fa afaka mitsambikina ambony sy ambany ny olona, ary miteny amin'ny fiteny tsy fantatra, afaka mihiaikiaka ny olona, mametra-tànanana amin'ny marary, ary manasitrana ny marary sy ny sisa, amin'ny finoana; ireo zavatra lehibe rehetra eo ireo amin'ny alàlan'ny Fanahy, fa mbola very foana. Ireo voahosotra.

<sup>212</sup> Mariho fa hoy Jesosy hoe, "Minoa fotsiny ihany, azo atao ho an'ireo izay mino ny zavatra rehetra." Ny finoana sy ireo asa

dia vady lahy sy vady vavy, miara-miasa izy ireo. Miasa miaraka amin'ny vady vavy ny vady lahy, ny vady vavy miaraka amin'ny vady lahy; mifanondro izy ireo.

<sup>213</sup> Tahaka ny lehilahy iray izay milaza fa izy dia “manambady” kanefa tsy afaka mampiseho sy maneho fa manana vady iray izy, misalasala ny amin'ny filazany ianareo. Hitanareo? Hoy ny lehilahy iray hoe, “Manambady aho.”

“Aiza ny vadinao?”

“Oh, oh, izaho—izaho tsy mahafantatra mikasika an’izany.” Hitanareo? Hitanareo? Ho karazan-javatra sarotra ho ah y ny hino azy.

Hoy aho hoe, “Eny, aiza ny vadinao?”

“Eny, tsy fantatro.” Izaho—izaho tsy hino an’izany.

<sup>214</sup> Noho izany, hitanareo, raha manana an’izay lazainareo fa anananareo ianareo hoe, “Manana finoana aho,” dia ahoana no hanehoanareo amiko fa manana finoana ianareo? Amin’ny alàlan’ny asanareo. Hitanareo?

“Manambady aho.”

“Ahoana no ahafantarako fa manambady ianareo?”

“Inty ny vadiko.” Hitanareo? Eo ianareo izao.

“Manambady aho, inty no vadiko.”

“Sitrana aho.”

“Ahoana no ahafantararanareo?”

<sup>215</sup> “Ireo asako no maneho ny finoako.” Hitanareo? Hitanareo? Ankehitriny, izay—izay teneninareo: ny finoanareo no hitan’Andriamanitra ao aminareo, ireo asanareo no hitan’ny olona hafa ao aminareo.

<sup>216</sup> Izany ilay fahasamihafana eo amin’i Jakoba sy Paoly eto, manazava mikasika an’i Abrahama. Tsy nifanohitra mihitsy izy ireo, nitovy izy roa; manambady.

<sup>217</sup> Toy izany koa ny finoana izay tsy mamokatra asa, manana zò hisalasala amin’ny fijoroanareo vavolombelona ny olona rehetra. Ankehitriny renareo ve izany, alohan’ny hanombohantsika ny laharam-bavaka? Raha tsy mamokatra asa miaraka amin’izany ny finoanareo, dia tsy afaka ny hanao olona iray hino fa sitrana ianareo. Hoy ianareo, “Eny, tsy fantatro.” Hitanareo? “Nahoana, hia, azo antoka, manana ny finoana rehetra eto amin’izao tontolo izao aho.” Tsy manana ianareo. Satria, raha ianareo no, manana finoana, amin’izay fotoana izay dia mivady amin’ny finoana ireo asa. Vady lahy sy vady vavy izy ireo, ny iray—ny iray manondro ny iray hafa.

<sup>218</sup> Ndaô isika hieritreritra an’i Abrahama mandritry ny minitra vitsy fotsiny. Nanana an’io firaisana masina feno io i Abrahama, hitanareo, natambany ilay zavatra manontolo. Niantso ny

zavatra rehetra izy, izay nifanohitra tamin'ny finoany, ho toy ny tsy nisy akory aza; ary nihetsika teo amin'ilay fitsipika iray ihany. Azoko eritreretina, afaka roapolo taona teo ho eo, nisy olona iray nandalo ka nanao hoe, “Rain’ny firenena? Hah! Abrama, ianao no nilaza fa ny anaranao dia ‘Abrahama,’ izay midika hoe *rain’ny firenena*. Firy marina moa ny zanaka anananao izao ankehitriny izao, ry Abrahama?” Hitanareo?

<sup>219</sup> Tsy nampihontsona azy izany na kely aza. Hoy ny Baiboly hoe, “Tsy nihanahana tamin’ny Tenin’Andriamanitra izy, tamin’ny alàlan’ny tsi-finoana.” Nandroso avy hatrany izy nivonona, nanao an’ireo kiraro kely rehetra ho vonona sy ny lamban-jaza sy ny sisa, izy dia “hahazo an’ilay zaza.” Izay ihany.

<sup>220</sup> Na i Saraha aza dia nanao hoe, “Fantatralo ve izay hitranga? Hahazo an’ilay zaza ianao, saingy lazaiko aminao ny fomba izay hanaovantsika azy. Mpiasavaviko i Hagara ankehitriny, homeko anao izy.” Satria, ara-dalàna ny fampirafesana tamin’izany. “Ary izy no hahazo an’ilay zaza, fa izaho ihany no haka azy.” Fa tsy nino an’izany i Abrahama. Tsia, tsy te-hanao an’izany izy. Fa i Saraha no voatsindrimandry hanao an’izany.

<sup>221</sup> Noho izany, niteny tamin’i Abrahama Andriamanitra hoe, “Mandehàna ka henoy izy,” saingy hoy Izy hoe, “kanefa tsy io no Nampanantenako anao. Tsy io no fomba Nampanantenako azy.”

<sup>222</sup> Ankehitriny diniho, izy dia niantso ny zavatra rehetra “nifanohitra,” ary efa maty ny vatany tamin’izany, ary mitovy amin’izany koa ny kibon’i Saraha. Ankehitriny, efa lehilahy antitra iray izy, zato taona. Saraha dia sivifolo taona. Ankehitriny mariho! Ny fahafatesan’ny kibon’i Saraha na ny fahafatesan’ny vatany dia tsy nasiana fiheverana akory aza.

<sup>223</sup> Henoy ity.

*Fa ny teny fikasana, hoe izy no ho mpandova an’izao tontolo izao, dia tsy natao tamin’i Abrahama, na tamin’ny taranany, tamin’ny alàlan’ny lalàna, fa tamin’ny alàlan’ny fahamarinana amin’ny finoana.*

*Fa raha izany no avy tamin’ny lalàna . . . avy tamin’ny lalàna ny ho mpandova, dia efa foana ny finoana, ary ny teny fikasana dia . . . tsy misy fiantraikany:*

*Satria mahatonga fahatezerana ny lalàna: fa raha tsy misy lalàna, dia tsy misy fandikan-dalàna.*

<sup>224</sup> Henoy ity, ankehitriny.

*Izay tsy nisy nanantenana aza . . .*

“Tsy nisy nanantenana aza,” lasa ny fanantenana rehetra! Oh, isaky ny mahatsapa “fahasorenana,” kely aho dia ity no toko izay itodihako, Romana 4, hitanareo.

*(Araka ny voasoratra hoe, Izaho no nanao anao ho rain'ny...firenena,) teo anatrehan'izay ninoany, dia Andriamanitra, izay namelona ny maty, sy niantso an'ireo zavatra izay tsy nisy ho toy ny nisy.* (“Andriamanitra no niteny an’izany!” Hitanareo?)

*Izay tsy nisy nanantenana aza dia nino tamin’ny fanantenana, mba hahatonga azy ho rain’ny...firenena; araka an’izay nolazaina hoe, Ho tahaka an’izany ny taranakao.*

<sup>225</sup> Ankehitriny henoy, andininy faha-19.

*Ary satria tsy nalemy finoana, dia tsy nihevitra ny tenany manokana ho maty izy ankehitriny, rehefa tokony ho zato taona izy, na koa...ny fahafatesan’ny kibon’i Saraha:*

*Tsy nihanahana tamin’ny teny fikasan’Andriamanitra tamin’ny tsi-finoana izy; fa nampaherezina...nanome voninahitra an’Andriamanitra;*

<sup>226</sup> Tamin’ny zato taona? Jereo, maty ny vatany ankehitriny (ny maha-lehilahy azy), ary maty ny kibon’i Saraha. Izy dia...Tsy noheverina akory aza izany, rehefa voambara taminy ilay izy. Tsy heverina io fandriana io. Voan’ny paralysisa iray ianareo, na inona na inona, tsy heverina izany. Tsy asiana fiheverana ilay sez a misy kodiarana, ho an’io zazalahy kely io. Mety ho malemy izy, na inona izany na inona (tsy fantatro), dia tsy asiana fiheverana izany. Aza heverina akory aza izany.

<sup>227</sup> “Saingy hoy ny dokotera hoe, ‘Tsy ho tafavoaka eo intsony izy.’ Hoy ny dokotera hoe, ‘Tsy ho afaka intsony izy.’” Tsy heverina akory aza izany.

<sup>228</sup> “Eny, jereo, olona antitra iray aho, ho azon-taona aho.” Tsy heverina akory aza izany.

<sup>229</sup> Ary isika no zanak’i Abrahama (Haleloia!), tsy tahaka an’i Isaka, fa ny Taranaka Mpanjakany (amin’ny alàlan’i Jesosy Kristy) amin’ny alàlan’ny finoana izay nananany, Taranak’i Abrahama izay mandroso amin’ny andro farany mba hamiratra tahaka ny kintana. Zanak’i Abrahama! “Tsy nihevitra ny tenany manokana izay efa maty ankehitriny.” Tsy nihevitra an’izany akory aza! Izany aza dia tsy tonga teo amin’ny fanontaniana mihitsy na hanao an’izany Andriamanitra na tsia, Andriamanitra no niteny fa hanao an’izany izy! Nahoana? Voambara taminy ilay izy. Marina ve izany?

<sup>230</sup> Rehefa voambara aminareo ilay izy, rehefa izany no tena... zavatra...Tsy afaka manao an’ilay izy hitranga ianareo, fa tsy maintsy voambara aminareo izany. Amin’izay fotoana izay dia aza mihevitra zavatra hafa akory aza: tsy azo atao toy ny ahoana ilay izy, aza mihevitra an’izay nolazain’ny dokotera, aza mihevitra an’izay nolazain’i mama, izay nolazain’i papa,

izay nolazain'ilay mpitory teny, izay nolazain'olon-kafa. Izay nolazain'Andriamanitra fotsiny neverina!

<sup>231</sup> “Tsy nihevitra ny tenany manokana izay efa maty izy, na ny fahafatesan'ny kibon'i Saraha.” Tsy nasiana fiheverana akory aza izany. Oh, oadray, mandona ahy mihitsy izany. Vatana maty, na ny fahafatesan'i Saraha, kibo, dia tsy nasiana fiheverana akory aza.

<sup>232</sup> Tsy misy fisehon-javatra ho neverina rehefa mahita ny tany famafazany ny finoana! Rehefa ny tsimo-taranaka iray avy amin'ny lehilahy no mahita an'ilay—ilay atody ao amin'ny vehivavy, ka samy lonaka izy roa ireo, dia hisy zavatra hitranga. Haleloia! Afaka milaza ny dokotera hoe, “Tsy hahazo zaza iray ianareo. Azoko porofoina fa ny—ny taranakareo dia maty ao amin'ny vatanareo, ary tsy ho lonaka mihitsy ireo atodiny.” Fa avelao io atody lonaka io, avelao io tsimoka io hampiolanolana ny tenany amin'io atody io indray mandeha, dia diniho izay mitranga; tonga eo amin'ny sehatra io zazalahy kely io na io zazavavy kely io. Nahoana? Nahita ny tany famafazany ny finoana. Mandeha miasa ireo asa, sela eo an-tampon'ny sela, ary indro fa tonga ilay zaza kely. Amena. Andriamanitra, mamindrà fo aminay. O Andriamanitra, raha Kristiana matanjaka araka ny tokony haha-izy anay izahay; raha lehilahy sy vehivavy izay afaka mandray an'Andriamanitra amin'Ny Teniny izahay! Tsy afaka manao an'ilay izy ianareo raha tsy efa voambara taminareo ilay izy.

Tsy maintsy mandeha haingana aho.

<sup>233</sup> Mariho, niray tamin'ireo asa masina an'ny Mpaminaniny ilay finoana masina an'Andriamanitra. Tsarovy, voambara tamin'i Abrahama ny finoana masin'Andriamanitra. Voarainy izany, ary nanomboka teo no nanombohany niaraka tamin'ireo asany masina, tamin'ny finoana. Nanana toerana hitomboana ilay voan'ny teny fikasana. Ahoana moa raha nilaza izy (Abrahama) hoe “Eny, fantatrao ve, ry Saraha, na izany aza, fa efa dimy amby roapolo taona izao no nanaovan'Andriamanitra an'io teny fikasana io”? Ah-oh! “Raha mba nisy zavatra iray nitranga,” hitanareo. Fa tsy hisy izany. Andriamanitra dia nahafantatra fa tsy hisy izany.

<sup>234</sup> Ahoana moa raha hoy ilay Maria virijiny hoe, “Eny, ankehitriny, andraso iray minitra! Ny—ny virijiny hanan-anaka? Eny, horoahan'izy ireo amin'ny fiangonako aho raha miditra ao ka milaza zavatra iray tahaka an'izany”? Ankehitriny, ho nieritreritra an'ireo eritreritra ireo izy raha tsy nisy an'io tany famafazana efa voaomana io.

<sup>235</sup> Rehefa nilaza io mpaminany io hoe, “Hanan-anaka ny virijiny,” dia nilamina hatreо izany. Hitanareo?

<sup>236</sup> “Izao famantarana izao no hanaraka an'ireo izay mino.” Raha tany famafazana iray no mipetraka eo rehefa milatsaka eo

izany Teny izany, dia mifikitra Izany. Tsy misy na inona na inona afaka manakana an’Izany.

<sup>237</sup> Ankehitriny, haingana, raha mamarana isika. Hitanareo, nanana toerana iray niafenana ilay Voa. Fantatr’Andriamanitra izany, raha tsy izany dia tsy ho nanao an’ilay teny fikasana tamin’i Abrahama mihitsy Izzy. Ankehitriny henoy, tsara mihitsy ankehitriny. Efa fantatr’Andriamanitra hoe aiza no handeha io teny fikasana io; tsy niantso an’i Abrahama mihitsy aza Izzy raha tsy efa dimy amby fitopolo taona izy, saingy efa Mpanompony voafidy mialoha izy hatrany amin’ny voalohany, toy izany koa i Saraha.

<sup>238</sup> Mariho, tsarovy, tsy nanana Baiboly ho vakiana izy. Tsy mora tahaka ny ananantsika azy amin’izao andro izao no nananany an’izany, mba hamakiana Ny Teniny ka hahita ny hafa izay nandray an’Izany. Tsarovy, tamin’ny alàlan’ny fanambarana ireny ihany no nahazoany an’Izany, ary izany ilay tena zavatra. Tahaka an’izany koa ny amin’i Josefa, ao amin’ny Genesisy, tsy nisy Baiboly. Tsarovy, Mosesy no nanoratra ny Genesisy, Eksodosy, Levitikosy, ary Deuteronomia. Tsy nisy na dia ny iray tamin’ireo olona ao ireo aza mba nanana Baiboly ho vakiana raha tsy taorian’i Mosesy. Marina ve izany? Tsy nanana Baiboly iray izay ananantsika izy ireo, mba hanampiana antsika ao amin’ireo toerantsika malemy. Lehilahy matanjaka izy ireo izay...voambara tamin’izy ireo avy tamin’Andriamanitra, ary nijoro marina teo izy ireo. Tsy nisy na inona na inona nanetsika azy ireo. Ankehitriny, mihevitra ve ianareo fa mbola afaka manana an’io finoana matanjaka io foana isika? Raha voambara taminareo Izany!

<sup>239</sup> Mamelà amin’ny filazana, na ny fijoroana vavolombelona amin’izao fotoana izao, mialohan’ny hamaranana mihitsy. Tsaroako fa teto tao amin’ny “Twin City,” heveriko fa niaraka tamiko Rahalahy Brown sy izy ireo; ary niresaka ny fiainan’i Josefa aho, ao amin’ny Baiboly. Dia novakiako io Baiboly io, nisy lehilahy iray izay tsy nisy na inona na inona nanoherana azy! Abrahama, Isaka, Jakoba, ary izy rehetra, dia nanana zavatra nanoherana azy ireo, fa tsy Josefa. Lehilahy iray toy ny inona, lehilahy tanteraka iray, tandindon’i Kristy tanteraka!

<sup>240</sup> Rehefa novakiako izany, dia nitomany fotsiny aho, indray andro, tao amin’ny efitr’ilay hotely keliko. Ary niditra tao amin’ilay efitra kely izay nihanton’ireo akanjoko aho, nakatoko niaraka ny varavarana, dia hoy aho hoe, “Andriamanitra, te-hisaotra Anao aho ny amin’ny lehilahy iray tahaka an’i Josefa, lehilahy iray izay niaina teto an-tany indray mandeha, le-lehilahy iray tao amin’ny nofo tahaka ahy, lehilahy iray izay afaka nino Anao sy nandray Ny Teninao.” Nankahalain’ireo rahalahiny izy. Tsy nisy azony natao satria ara-panahy izy. Nahita fahitana iray izy. Afaka nandika nofy izy. Ary nankahala

azy noho izany izy rehetra. Tsy nisy azony natao tamin'izany, izany fotsiny no naaha-izy azy.

<sup>241</sup> Hitanareo, tsy ho an'ireo hafa mihitsy izany. Tokony ho tia azy izy ireo, saingy raha tokony ho izany... Rehefa niteny tamin'izy ireo izy, matetika dia zavatra manohitra azy ireo, "Oh," hoy izy ireo, "iny fa tonga ilay mpanonofy." Hitanareo? Ary nankahala azy tsy amin'antony izy ireo.

<sup>242</sup> Hoy aho hoe, "Nahoana izy ireo no nanao an'izany?" Kanefa dia tsy nihetsika mihitsy io lehilahy io, njanona tsara teo izy. Hitanareo? Hoy aho hoe, "Misaotra Anao, Tompo. O Andriamanitra, misaotra Anao ny amin'ny lehilahy iray tahaka an'izany."

<sup>243</sup> Ary tamin'izay indrindra no nanambara tamiko ny Fanahy Masina, nanao hoe, "Hanana zanakalahy iray ianao, ary ianao dia hiantso ny anarany hoe 'Joseph.'" Nitsangana avy teo aho ary nisaotra ny Tompo.

<sup>244</sup> Becky, mipetraka ery aoriana ery, dia vao avy teraka teo amin'ny... teo amin'ny herintaona teo izy. Natao sezarenina izy, efa mpitranga ao amin'ny fianakavian'ny vadiko ny atao sezarenina; satria tsy malala-balahana tahaka ny tokony hananan'ny vehivavy izy ireo, mafy tahaka ny lehilahy iray ireo taolana, ka tsy maintsy nodidiana izy avy tao amin'ny reniny. Ary niteny tamiko ilay dokotera, hoy izy hoe, "Rahalahy Branham, aza manana zanaka hafa intsony avy amin'ity vehivavy ity ianao." Hoy izy, "Manify tahaka ny balonina iray ny kibony." Hoy izy hoe, "Tsaratsara kokoa aminao ny mamela ahy hamatotra an'ireo fantsona ireo."

<sup>245</sup> Hoy aho hoe, "Tsia, izaho tsy... aza mieritreritra ny hanao an'izany, 'Doc.'"

<sup>246</sup> Hoy izy hoe, "Eny, ianao—ianao—ianao dia... Tsy tokony hanana zanaka hafa iray izy." Hoy izy, "Hamotika azy ianao," hoy izy, "ho faty izy." Hoy izy, "Nanana fotoana sarotra iray izahay teo," hoy izy, "ianao fotsiny... vao avy tafavoaka tamin'izany izy."

<sup>247</sup> Ary niteny tamiko ny Tompo tamin'izay fotoana izay fa izaho dia "hahazo zanakalahy iray" ka ny anarany hantsoina hoe "Joseph." Tsy natahotra ny amin'izany mihitsy aho. Ny rehetra, ny maro aminareo, dia mahatsiaro.

<sup>248</sup> Nandroso aho, nilaza an'izany hoe, "Hahazo zaza iray aho; ny anarany dia hatao hoe Joseph." Firy no mahatsiaro an'izany? [Hoy ny fiangonana hoe, "Amena."—Mpand.] Azo antoka! Manodidina rehetra, manerana ny firenena, na taiza na taiza, no nilazako tamin'ny olona hoe, "Hahazo zaza iray aho; ny anarany dia hatao hoe Joseph."

<sup>249</sup> Mitovy mihitsy tahaka an'ilay zazalahy kely izay nitsangana, tany Finlande, tamin'ny maty. Tany mihitsy Rahalahy Jack

rehefa nitranga izany. Noteneniko taminareo, roa na telo taona talohan'ny nitrangan'izany hoe, "Hisy zazalahy kely iray," ho toy ny ahoana ny fiakanjony, aiza izy no handry. "Andriamanitra no niteny an'izany!"

<sup>250</sup> "Ahoana no hampisy an'izany?"

<sup>251</sup> "Tsy fantatro! Fa voambara tamiko fa hitranga ilay izy!"

<sup>252</sup> Voambara tamiko ilay izy hoe, "Handeha ho any Arizona aho, ary any no hihaonako amin'ny Anjely fito. Ary izy ireo no hiteny amiko, sy ny Hafatra izay hotoriako." Ary ireo Tombokase Fito izany. Nitranga izany! Firy no mahatsiaro fa niteny an'izany aho? Nandray feo an'izany ireo horonam-peo sy ny sisa. Ary nitranga izany! Ireo magazina, ireo zavatra hafa rehetra, dia naka ny sarin'Izany. Ilay Hazavana teny amin'ny habakabaka tany, tsy mbola afaka mahazo an'Izany foana izy ireo. Teo ilay izy.

<sup>253</sup> Tsaroako fa niantso an-dRahalahy Jack aho ary nanontany azy mikasika an'izany, Kristy izay nitsangana teo, ka hoy Rahalahy Jack hoe, "Izany no ao amin'ny Toerany nomem-boninahitra." Hitanareo? Tiako i Rahalahy Jack. Izy no anankiray amin'ireo teolojiana tsara indrindra izay fantatro, saingy tsy afaka nahazo tsara mihitsy an'ilay izy fotsiny aho.

<sup>254</sup> Nitsangana teo aho, hoy aho hoe, "Tompo, ahoana ny amin'ity? Lehilahy tanora eto" hoy aho, "nefa miaraka amin'ny volo tahaka ny volon'ondry."

<sup>255</sup> Dia hoy Izy hoe, "Manao solovolo Izy." Diniho ao amin'ilay boky, talohan'ny nitrangany mihitsy, izay nilazako an'izany. Ary tamin'io andro io rehefa nitranga izany, dia niakatra ilay izy. Ary amin'izay fotoana izay dia avadiho mankany amin'ny ilany ilay sary, raha manana ny *Look Magazine* ianareo na *Life Magazine*, dia avadiho mankany amin'ny ilany. Io Izzy, tanteraka mihitsy, ny *Lohan'i Kristy* an'i Hofmann, njery midina teo amin'izay nitsanganako mihitsy; io fa ao amin'ilay magazina Izany! Firy no efa mba nahita an'Izany? Mazava ho azy, ianareo rehetra dia nahita. Teo, nitodika mihitsy, nanaporofa fa marina ilay fanambarana.

<sup>256</sup> Nahoana no manao solovolo? Nahoana, ireo mpitsara Anglisy fahiny, ireo mpitsara Jiosy, taloha dia nanao ny—ny—ny solovolo iray, mbola manao izy ireo any Angletera; rehefa izy no... izany no fahefana faratampony, manao solovolo iray izy. Ary izany no naneho fa nitsangana teo Izzy, manao solovolo avy tamin'ny elatr'ireo Anjely, Izzy no Alfa sy Omega. Izzy no Mpitsara Faratampony, ary tsy misy hafa afa-tsy Izzy. Tsy maintsy natao ho Alfa sy Omega Izzy. Ary Lehilahy tanora iray Izzy teo, tsy, na tsy mihoatra ny, telopolo taona, manao solovolo fotsy. Maneho fa Izzy no Faratampony, Andriamanitra, "Ny Ray no nametraka ny fitsarana rehetra ho eo an-tan'an'ny Zanaka." Haleloia! Tsy diso mihitsy ny fanambarana! Teneno Izany na ahoana na ahoana,

tsy mampaninona na toy ny inona ilay izy, mandehana mahitsy miaraka amin'ny Teny.

Ary tsaroako, efa-taona taty aoriana, ny vadiko . . .

<sup>257</sup> Fantatray fa hahazo zaza iray izahay. Hoy ny olona rehetra hoe, “Izany ve ilay Joseph izay ho avy?”

<sup>258</sup> Hoy aho hoe, “Ataoko fa izany ilay izy, tsy fantatro, fa hahazo Joseph aho.”

<sup>259</sup> Rehefa teraka izy, dia Sarah izany. Niantso ahy ny lehilahy iray tamin’izay fotoana izay, ary nihomehy teo amin’ny tavako, hoy izy hoe, “Hono ho’aho, mba fantatrao moa? Josephine no tianao lazaina!” (Maty ilay lehilahy. Maty ilay lehilahy.)

<sup>260</sup> Hoy aho hoe, “Tompoko, hoy aho hoe, ‘Andriamanitra no niteny tamiko fa izaho dia “hahazo zanakalahy iray” ary izaho “hiantso ny anarany hoe ‘Joseph’”!’”

<sup>261</sup> Nisy olona telo izay niala tamin’ny fiangonana anaram-piangonana iray ka tonga tao amin’ny fiangonantsika, ary nandre ahy nilaza an’izany. Rehefa teraka i Saraha, dia hoy izy ireo hoe, “Hah! Mpaminany sandoka izy.”

<sup>262</sup> Hoy aho hoe, “Andraso iray minitra, ry ramatoa, izaho tsy nilaza mihitsy hoe *rahoviana*, sady Andriamanitra koa tsy nilaza hoe *rahoviana*. Niteny tamiko Izy hoe, izaho dia ‘hahazo ny . . .’ Izy no . . . niteny tamin’i Abrahama hoe, izy ireo dia ‘hahazo Isaka iray,’ saingy Isimaela no teraka teo anelanelan’izany fotoana izany, fa tsy nanaisotra an’Izany ilay izy.” Hoy aho hoe, “Andriamanitra no nilaza fa hahazo an’io zazalahy io aho ary izy hiantso ny anarany hoe ‘Joseph.’”

<sup>263</sup> Nilaza ilay dokotera, rehefa tonga izy, hoy izy hoe, “Revera, hamatotra an’ireo fantsona aho ankehitriny.” Hoy aho, “Izaho . . .”

<sup>264</sup> Hoy aho hoe, “Aza manao an’izany ianao!” Hoy aho hoe . . .

<sup>265</sup> Hoy izy hoe, “Eny, mety hanambady indray angamba ianao dia hahazo an’io zazalahy io avy eo.”

<sup>266</sup> Hoy aho hoe, “Hahazo azy avy aminy aho! Andriamanitra no niteny an’izany!” Tsy afaka namaky an’izany avy tao amin’ny Baiboly aho saingy voasoratra tato am-poko tamin’ny alàlan’ny fanambarana izany, tamin’ny alàlan’ny finoana; Andriamanitra no niteny an’izany! Tsy te-hihanahana teo amin’ny teny fikasan’Andriamanitra tamin’ny tsi-finoana aho.

Hoy ny sasany tamin’izy ireo hoe, “Ny tianao ho lazaina dia ‘Josephine.’”

Hoy aho hoe, “Ny tiako ho lazaina dia ‘Joseph.’”

Hoy ny dokotera hoe, “Tsy afaka mahazo zaza hafa iray izy.”

Hoy aho hoe, “Hahazo zaza hafa iray izy.”

<sup>267</sup> Lasa ny efa-taona, farany dia lasa reny indray izy.

<sup>268</sup> Tamin'izay fotoana izay ny vehivavy iray, (nivoaka nanerana ny firenena ny faminaniana sandoka iray) no nanoratra teny, nanao hoe, "Ankehitriny dia ho faty i Meda, mandritra an'io fotoana io, satria nirahina hitarika an'i Bill aho." Ary izao no voalaza hoe "Tsy hihaino ahy izy satria vehivavy aho, ka Andriamanitra mihitsy aza no hamely azy ankehitriny amin'ny famonoana ny vadiny."

<sup>269</sup> Hoy aho hoe, "Andriamanitra no naniraka an'i Jesosy Kristy hitarika ahy." Hitanareo? Dia hoy aho hoe, "Tarihin'ny Fanahy aho."

<sup>270</sup> Meda mampalahelo kely. Nanana mpampivelona iray isika izay sitrana tao amin'ireo fivoriana, mahafantatra ianareo rehetra, Rtoa. Morgan, (dia ny anankiray amin'ireo mpampivelon'ny Mayo, ireo toe-javatra ratsy indrindra). Eny, ao amin'ny firaketana izy, "maty," teo amin'ny roapolo taona lasa izay, an'ny homamiadana, "homamiadana fetsy," tany Louisville, ao amin'ilay firaketan'ny hopitaly Batista mihitsy. Izy dia mampivelona ao—ao Jeffersonville, ao amin'ilay hopitaly, ankehitriny. Efa tao izy nandritr'ireo taona rehetra ireo, satria Andriamanitra no niteny hoe "Ho velona izy."

<sup>271</sup> Ary, noho izany, dia tia azy i Meda, ka hoy izy hoe, "Tiako hijaraka amiko i Margie, ry Bill, toa tsy te-handeha any amin'ny hopitaly aho."

<sup>272</sup> Hoy aho hoe, "Aza manao... Tiantsika i Margie, saingy tsy i Margie no Andriamanitsika, anabavintsika i Margie." Dia nandeha nankany Green's Mill aho. Nanelingelina ahy tanteraka izy. Mazava ho azy, tiako izy. Lasa nankany Green's Mill aho.

<sup>273</sup> Ary hoy izy hoe, "Ry Bill, mihevitra ve ianao fa ho faty aho?"

<sup>274</sup> Dia hoy aho hoe, "Tsy fantattro, fa ho teraka ilay zaza, na ahoana na ahoana. Hahazo Joseph iray ianao."

<sup>275</sup> Hoy izy hoe, "Izy ve ity?"

<sup>276</sup> Hoy aho hoe, "Tsy fantattro, ry Malala. Tsy afaka milaza aho, fa Andriamanitra no nilaza fa izy dia 'hahazo Joseph,' dia hahazo Joseph isika. Tsy ahoako izay lazain'ny zavatra rehetra, hahazo Joseph isika. Satria, ilay Andriamanitra iray ihany izay niteny tamiko an'ireo fanambarana rehetra ireo, no niteny tamiko an'izany, tsy diso teo amin'ireo hafa mihitsy Izy ka tsy ho diso eo amin'izany Izy."

<sup>277</sup> Lasa aho, ilay trano fitotoana, mba hivavaka. Dia nanomboka aho teo. Indro nitsangana teo io Hazavana io nihantona teo anelanelan'ny hazo anankiroa, nanao hoe, "Mandehana miverina any amin'ny anao, dia, amin'ny Boky."

<sup>278</sup> Niverina teo amin'ny Baiboly aho, ary nipetraka tao anatin'ny fiarako izany. Ary rehefa nanao aho, dia namadika azy tao amin'izay nisy an'i Natana ny rivotra, sy Davida; nanao hoe, "Mandehana teneno Davida Mpanompoko; Izaho no naka azy

avy tany amin'ilay fiandrasan'ondry, avy teo am-pamahanana an'ireo ondry vitsin'ny rainy, ary Izaho no nanao anarana lehibe iray ho azy tahaka an'ny olo-malaza." (tsy hoe ny tena—ny anarana malaza indrindra, fa *tahaka* ny lehilahy malaza fotsiny; tsy nanao azy ho Billy Graham iray mihitsy, fa ny . . . nanome azy anarana iray, fantatrareo) Hoy Izzy, "Nataoko izany, saingy" hoy Izzy, "tsy afaka hamela azy hanorina ny tempoly Aho, fa ny zananilahy . . ." Ary vantany vao nilaza Izany hoe, "Ireo zananilahy," oh, oadray, dia izay ilay izy.

<sup>279</sup> Hoy aho hoe, "Joseph?" Marina izany.

<sup>280</sup> Nandeha tany an-trano avy hatrany aho. Ary teo ilay vehivavy kely, tena goavana, izy, zazalahy goavana iray, zara izy raha afaka nandeha, nanivatsiva an'ilay saha. Nihazakazaka aho, nametraka ny sandriko nanodidina azy, dia hoy aho hoe, "Ry Malala! Tonga i Joseph. Eny amin'ny lalany i Joseph."

<sup>281</sup> Mahafantatra ny rehetra, fa amin'ny sezarenina, dia tsy afaka mamela an'ilay zaza hidina ianareo. Tamin'io alina io dia nidina ilay zaza, vaky ilay rano, ny zavatra hafa rehetra.

<sup>282</sup> Ny ampitso maraina, tamin'ny fito, dia nandeha tany amin'ny hopitaly izahay, hoy ilay dokotera hoe, "Oh, mamindrà fo, miantrà."

<sup>283</sup> Nanoroka azy aho nanao veloma, nanao hoe, "Ry Malala, tsy ho ela ilay izy, ho eto Joseph." Niakatra ny tohatra avy hatrany izy, tahaka an'izany, teo amin'ilay latabatratra fandidiana.

<sup>284</sup> Minitra vitsy, dia nidina ilay mpampivelona, nanao hoe, "Rev. Branham?"

<sup>285</sup> Hoy aho hoe, "Eny, madama."

<sup>286</sup> Hoy izy hoe, "Ianao dia nahazo zazalahy, tsara tarehy iray, fito livatra, telo ounce."

<sup>287</sup> Hoy aho hoe, "Joseph, anaka, tongasoa." Eny, tompoko! Nahoana? Nahoana? Inona izany? Tsy voasoratra tao amin'ny Baiboly fa hitranga izany, saingy ilay Andriamanitra ny Baiboly iray ihany no nanambara an'ilay izy tamin'i Abrahama, tsy nihevitra ny fahafatesan'ny kibony izahay, ilay hoe tsy azo atao ny tahaka an'izany. Tsy mihanahana amin'ny teny fikasan'Andriamanitra amin'ny tsi-finoana ianareo, fa manome ny dera ho an'Andriamanitra, mahafantatra fa hitranga ilay izy! Tsy ahoako izay lazain'ny dokotera, ho tonga amin'ny fomba isan-karazany daholo ny zavatra hafa rehetra, fa aza mino an'izany ianareo, laingan'ny devoly izany. Eny, tompoko, marina. Mihetsika ny finoana, miaraka amin'ireo asa, mba hamorona an'ilay teny fikasana. (Ndao isika handeha haingana.)

<sup>288</sup> Tahaka ny nolazaina mihitsy hoe, "Rahaba janga," hoy Jakoba, "dia nohamarinina tamin'ny asa." Fa nahoana? Ny finoany!

<sup>289</sup> Hoy izy hoe, “Reko fa momba anareo Andriamanitra.” Tsy te-hahita izy hoe ahoana no fibangon’i Josoa ny volony, na ahoana no fanaovany ny akanjony. Hoy izy hoe, “Azoko fa momba anareo Andriamanitra.” Izay ihany no tena nilaina, nivonona izy.

<sup>290</sup> Tahaka ny fahitana marina amin’izao andro izao, (hamarana ao anatin’ny fotoana fohy mihitsy aho) ireo fahitana marina avy amin’Andriamanitra amin’izao andro izao, Teny nampanantenaina ho an’ilay andro izany. Hoy ianareo, “Ireo fahitana ireo, Rahalahy Branham, aiza no ahitanao an’izany?” Tafintohina amin’izany ny olona. Tsy ny Asa 2:17 ve, no nanao hoe, “Izao no hiseho amin’ny andro farany ka ny zatovonareo hahita fahitana, ny lahiantitrareo hanonofynofy”? Tsy marina ve izany? Izany no nolazain’ny Baiboly.

<sup>291</sup> Eny àry, ankehitriny raha izany ilay izy, jereo koa ny Malakia, ny toko faha-4, dia jereo raha tsy izany no nampanantenaina amin’izao andro izao. Ahoana no ahafahanareo hanana finoana ao amin’Izany? Ny Baiboly no niteny an’izany!

<sup>292</sup> Ankehitriny raiso ny Lioka 17:30 ary vakio izany. Hoy Jesosy hoe, “Tahaka ny tamin’ny andron’i Sodoma, dia ho toy izany koa amin’ny fihavian’ny Zanak’olona.” Tahaka ny tao Sodoma mihitsy. Ankehitriny, jereo ilay toeran’izao tontolo izao amin’izao andro izao: Sodomita. Jereo ilay Billy Graham sy Oral Roberts, ireo vavolombelona roa ireo, nandeha tany nijoro vavolombelona tamin’ireo fiangonana ara-anaram-piangonana. Ny anankiray tamin’ny Metodista, Batista, ary Presbyterana; ilay hafa tamin’ireo Pentekotista. *Ity* anankiray *ity*, *itsy* anankiray *itsy*, ary ilay anankiray *hafa*.

<sup>293</sup> Fa tsarovy, tsy tao Sodoma i Abrahama, efa nantsoina hivoaka izy. Ary nisy Anankiray nijanona teo ka niresaka taminy! Ary ilay Anankiray izay nijanona sy niresaka taminy, dia naneho famantarana iray *taminy*. Niaraka tamin’ny Lamosiny nitodika, dia nilaza Izy fa hahazo an’ilay zaza izay nandrasany i Saraha. Amena. Niaraka tamin’ny Lamosiny nitodika. Ary izy niantso an’Izany hoe, “Andriamanitra, Elohim.”

<sup>294</sup> Ankehitriny, izany no tanteraka ankehitriny, satria manana finoana isika. Ary fantattro fa avy amin’Andriamanitra izany, satria manondro an’izao ora izao sy ireo Soratra hafa. Apokalypsy 10, no nilaza fa “amin’ny oran’ny Hafatry ny anjely fahafito, rehefa manomboka mampaneno ny Hafany izy,” tsy hoe ao amin’ny asa fanasitranana, fa ny Hafatra izay manaraka an’ilay asa fanasitranana.

<sup>295</sup> Nandeha Jesosy ary nitory teny. Hoy izy hoe, “Nanasitranana ny marary Izy, sy ny sisa. Oh, io Raby tanora io, ilay

Mpaminany, Lehilahy malaza iray Izy. Tianay ho ao amin'ny fiangonanay Izy.”

<sup>296</sup> Saingy nitsangana Izy indray andro, nanao hoe, “Izaho sy Ny Raiko dia Iray.” Oh, oadray. Tsy nila Azy intsony izy ireo tamin’izay fotoana izay. Hia. Oh!

<sup>297</sup> “Raha tsy mihinana nynofon’ny Zanak’olona ianareo, sy misotro Ny Ràny!” Tsy Nazavainy Izany. Hoy Izy, “Raha tsy mihinana nynofon’ny Zanak’olona ianareo, sy misotro ny Ràny, dia tsy manana Fiainana ao anatinareo.”

<sup>298</sup> Nahoana, azoko eritreretina, fa hoy ireo dokotera sasany sy mpampivelona hoe, “Io lehilahy io dia vampira iray, miezaka hanao antsika hisotro ny ràny.” Hitanareo, tsy azon’izy ireo Izany. Fantany izay.

<sup>299</sup> Fa ireo mpianatra ireo kosa, mety tsy afaka nanazava an’izany angamba, saingy nipetraka teo izy ireo ary nino an’Izany na ahoana na ahoana, amena, satria voambara tamin’izy ireo Izany. Eny, tompoko. Fantatr’izy ireo Izany, ireo Soratra no nanambara an’Izany.

<sup>300</sup> Mety izao no hanontaniana ahy amin’izay fotoana izay, raha mety hilaza ianareo hoe, “Nahoana ianao no manana finoana mba hino an’ireny fahitana ireny, nef—a—nefa maro ireo fakan-tahaka sandoka izay mivoaka?”

<sup>301</sup> Hiteny zavatra kely iray aho, mafy, mandritry ny iray minitra fotsiny ankehitriny. Rehefa tonga manodidina ireo fakan-tahaka sandoka maro, dia tsarovy, ry rahalahiko, fa voateny ihany koa fa tsy maintsy ho eto izy ireny amin’ny fotoana iray ihany. Tena marina izany, tahaka ny tamin’ny andron’i Mosesy mihitsy. Nandeha tany i Mosesy mba hampiseho an’ireo asan’Andriamanitra teo anatrehan’ny olona, ary nitsangana teo i Jambra sy Jana. Fa iza no nanao an’ilay izy voalohany? Tamin’izay fotoana izay dia mpaka tahaka ireo hafa ireo, satria tsy maintsy nisy aloha ny tany am-boalohany iray mba ho alain’izy ireo tahaka. Raha izy ireo no ilay tany am-boalohany... Ah-hah. Tsia, isika dia tsy—isika dia tsy very. Fantatsika hoe aiza no misy antsika, hitanareo, hitanareo, araka ny Soratra sy araka ny fanambaran’Andriamanitra. Izany no antony mbola hijoroanareo.

<sup>302</sup> “Nahoana, *ity* lehilahy *ity*, mahita fahitana sy ny sisa *izy*. Manao an’*ity* *izy*, nef—a—nefa mihodinkodina miaraka amin’ny vadin’*ity* lehilahy *ity*. *Izy* dia mino ny—ny andriamanitra telo, sy ireo zavatra rehetra ireo.” Tsy mampihanahana Azy izany na kely aza. Ary inty no zavatra anankiray izay tsy hain’izy ireo alain-tahaka: ny Teny! Mariho. Afaka manana an’ireo zavatra rehetra ireo izy ireo, afaka miteny amin’ny fiteny tsy fantatra, afaka mihiakiaka izy ireo, mandihy ao amin’ny Fanahy, nef—a—nefa mbola devoloy foana. Ah-hah. Marina izany. Marina izany. Fa *ity* Teny *ity* no mandrefy azy ireny. Hitanareo? Tena marina tokoa

izany. Ity no tsy maintsy ahatongavany. Tahaka an'i Mosesy, sy Jambra . . .

Ary tsarovy, hoy Izy hoe, "Tahaka ny nanoheran'i Jambra sy Jana an'i Mosesy, dia hipoitra indray eto an-tany ireo mpaka tahaka ireo amin'ny andro farany." Nilaza an'izany ve Izy? [Hoy ny fiangonana hoe, "Amena."—Mpand.] Eny, manana azy ireny isika.

<sup>303</sup> Fa tsy nampihanahana an'i Mosesy izany. Rehefa nitodika i Mosesy ka nanao fahagagana iray tamin'ny Anaran'ny Tompo, dia indro fa nitsangana ireo mpaka tahaka ireo, nanao an'ilay zavatra iray ihany. Tsy nampijanona azy izany, nanao hoe, "Eny, ataoko fa tsaratsara kokoa ho ahy ny mijanona ary miala eo amin'ny saha." Nijanona tsara teo izy. Satria inona? Voambara taminy ilay izy. Haleloia! Nahafantatra tamin'ny alàlan'ny Tenin'Andriamanitra izy. Fantany fa ny Teny no hahatratra azy ireo amin'ny farany. Fantany fa ho avy ny fotoana iray izay hanehoan'ny Teny ny Tenany, ka tsy afaka handeha lavitra intsony izy ireo.

<sup>304</sup> Toy izany koa no nahafantarako an'izao, nandritr'ireo taona rehetra ireo, hitanareo, marina izany, fa ho avy ilay fotoana. Rehefa mandefa fahagagana iray Andriamanitra, tena fahagagana iray, dia misy fiovana iray foana eo amin'ilay rafittra manontolo. Raha mandefa zavatra iray ao amin'ny fiangonana Andriamanitra, ka tsy miova ilay rafittra tranainy, dia foana ny Nandefasany an'izany. Rehefa mivoaka miaraka amin'ny famantarana sy fahagagana ny hafatra iray, dia misy Hafatra iray manaraka an'izany. Rehefa nandeha nanasitrana ny marary Jesosy, dia tonga Ny Hafany hoe, "Izaho sy Ny Raiko dia Iray. Izaho no Izy." Hitanareo? Hitanareo, izy ireo—izy ireo dia tsy nino an'Izany. Nino an'ireo Fahagagany izy ireo. Hoy Izy, "Raha tsy mety mino Ahy ianareo, dia minoa an'ireo fahagagana ireo, fa izy ireo no manambara aminareo hoe, Iza Aho." Oh, oadray. Voninahitra! Iza no voalohany? Mosesy! Naka tahaka azy izy ireo avy eo. Fa ireo fahamarinana kosa mbola mijanona foana ihany eo amin'ny marina sy ny diso, tsy mety manaiky an'ilay Hafatra izy ireo! Izy ireo dia tsy mety manaiky an'ilay Hafatra izay tsy mifangaro, avy amin'ny Tenin'Andriamanitra.

<sup>305</sup> Tsy ahoako, afaka nanao an'ireo karazana famantarana sy fahagagana rehetra i Jodasy; saingy, rehefa tonga teo amin'ny fandraisana ny Fanahy Masina izy tamin'ny Andron'ny Pentekosta, dia nasehony ireo lokony. Afaka tonga avy hatrany io devoly io ka maka tahaka mihitsy an'ilay tena zavatra, mandra-pahatongany amin'ity Teny ity, saingy tsy afaka mandray an'ity Teny rehetra ity izy. Afaka mitondra azy rehetra izy, angamba hatreto amin'ny Teny anankiray tahaka ny nataon'i Eva, nataon'ny devoly tamin'i Eva, saingy tsy afaka nandaloo tamin'izy rehetra izy. Satria ilay tokana . . . ilay zavatra manontolo dia ny Vatan'i Kristy. Hitanareo, Teny ankehitriny.

Tsy afaka ihany koa... Tsy afaka izy ireo, tsy afaka mandray ny Hafatra ankehitriny, Jambra sy Jana ihany koa dia tsy afaka nandray ny Hafatr'i Mosesy. Tsy afaka nanao an'izany izy ireo. Voaseho ireo asan'ny fakan-tahak'izy ireo, satria tsy afaka nahavita nanaraka ny Tenin'Andriamanitra voamarin'ny Mpaminaniny voahosotra izy ireo. Hitanareo?

<sup>306</sup> Tsy afaka nanaraka an'Isiraely nivoaka izy ireo. Nahoana? Ara-anaram-piagonana izy ireo, zaza Egyptiana! Tsy afaka nanaraka an'ity Teny ity izy ireo. Raha afaka izy ireo, dia nandao an'i Egypta. Ny Neily, ny rehetra, dia tsara ho azy ireo, ka tsy afaka nanao an'izany izy ireo. Na dia afaka naka tahaka an'ireo asa aza izy ireo, sy nanao an'izay nataon'i Mosesy, fa voaseho ny hadalany rehefa tonga ny fotoana ialana. Tamin'izay fotoana izay dia tena nararak'Andriamanitra ilay izy, teo amin'izy ireo.

<sup>307</sup> Mitovy ankehitriny! Mety manao ny karazana fakan-tahaka sandoka rehetra sy ny sisa izy ireo, tsy manao afa-tsy ny manandratra fotsiny an'ilay zavatra marina izany. Ary mahafantatra ny zanaka mino rehetra fa izany no Fahamarinana. Ah-hah. Hitanareo miharihary eto, amin'izay fotoana izay, ireo asan'ny hadalan'ny fakan-tahak'izy ireo. Raha ny—raha ny Teny marina ireo asanareo ka voamarina amin'ny alàlan'Izany, amin'ny finoanareo, dia hiseho izany, ary amin'ny maha-teny fikasan'Andriamanitra iray, ao amin'Ny Teniny voasoratra tany am-boalohany.

<sup>308</sup> Hoy Jesosy hoe, “Raha tsy manao an'ireo asa Aho...” Henoy tsara! “Raha tsy manao an'ireo asa Aho...” Mamelà ahy hanampy an'izao amin'Izany. “Izany hoe, raha tsy manao an'ireo asa izay tenenin'ny Soratra aminareo fa Hataoko Aho, amin'izay fotoana izay... manao an'izany ao amin'ny Taonako, rehefa tonga Aho, izay nasaina hataon'ny Mesia rehefa tonga Izy. Raha ireo zavatra izay Ataoko, raha tsy manamarina an'ity Teny izay Nolazainy fa hitranga ity Andriamanitra, raha tsy manao an'ity Teny ity hivelona marina tokoa an'izay Nolazainy fa Hataony ny Fiainako...” Aza diso an'ity! Jesosy no milaza hoe, “Fantatrareo izay nasaina ataon'ny Mesia. Noho izany, raha ity Teny ity no voasoratra, nefo avy eo tsy maneho ny Tenany amin'ny Alàlako Izany, amin'izay fotoana izay dia tsy Izaho no Izy.” Amena! “Amin'izay fotoana izay dia diso ilay andro izay Noteneniko, tsy marina izay nolazain'i Jaona mikasika Ahy. Ary amin'izay fotoana izay raha tsy Izaho io Mesia io, raha ireo asa izay nasaina nataon'io Mesia io. Izy no tsy maintsy ho ‘ny Tompo Andriamanitrareo no hanangana mpaminany iray tahaka ahy,’ ary ianareo tsy nanana mpaminany iray nandritry ny efajato taona. Ary raha ireo asa izay Ataoko, izay nampanantenain'Andriamanitra, raha tsy voaseho eo amin'ny Fiainako ankehitriny izy ireo, amin'izay fotoana izay dia tsy Izaho no Izy. Fa raha voamarina ao Amiko ilay Teny nampanantenaina ho an'izao taona izao, amin'izay fotoana izay

dia Izaho no Izy ary tonga aminareo ny teny fikasana.” Oh, oadray, tsy hitako hoe toy ny ahoana no mety hampahazava an’Izany bebe kokoa! “Raha ilay teny fikasana no tsy . . .” Oh!

<sup>309</sup> “Amin’izay fotoana izay raha voaseho ao amin’ny Asampanompoako ny teny fikasan’io andro io,” hoy Jesosy, “amin’izay fotoana izay dia Izaho no Izy. Noho izany raha sarotra aminareo ny hino hoe iza Aho, amin’izay fotoana izay dia jereo ireo asa izay nampanantenaina ho an’izao andro izao.” Amena! “Jereo ireo asa izay nampanantenaina. Raha tsy tanteraka ireo asa ireo, ny tsirairay avy amin’izy ireo ao Amiko, amin’izay fotoana izay dia aza mino Ahy, satria niteny diso taminareo Aho. Raha tsy mety mino Ahy ianareo, dia jereo fotsiny izay nolazain’ny Baiboly fa hitranga amin’izao andro izao. Raha tsy mitranga izany, amin’izay fotoana izay dia tsy marina ilay izy. Raha tsy eto ireo zavatra sandoka ireo, sy ireo zavatra hafa rehetra ireo, ary ireo zavatra izay natao hiseho; raha tsy eto izany, amin’izay fotoana izay dia diso Aho. Fa raha eto izany,” hoy Jesosy, “amin’izay fotoana izay dia Izaho no Izy.” Amena! “Izaho no Izy izay nampanantenaina ho tonga.”

Oh, oadray, ireo asa iray ihany izay nampanantenaina, tamin’ny Androny, nanamarina *Azy* ho io Mesia io. Tsy mino an’izany ve ianareo? [Hoy ny fiangonana hoe, “Amena.”—Mpand.]

<sup>310</sup> Eny, ankehitriny, rahalahy, raha ireo asan’ny Lioka, ny toko faha-17 ary ny andininy faha-30, ny teny fikasan’i Jesosy Kristy, mialoha indrindra ny Fihaviany, hoe hiverina amin’i Sodoma indray izao tontolo izao ary hivoaka ireo iraka, ka ho vita marina tokoa ireo zavatra ireo; raha tsy miseho izany, amin’izay fotoana izay dia aza mino ahy fa niteny taminareo ny Fahamarinana aho. Fa raha miseho izany, amin’izay fotoana izay dia minoa fa Izy Izany, “Amin’izany fotoana izany dia ho voambara ny Zanak’olona.” Amena! Ho voambara ao amin’ny vatan’ny nofo iray ny Zanak’olona, ianareo olona ilay Fiangonana, tahaka ny talohan’ny andron’i Sodoma marina tokoa, vondrona iray nantsoina nivoaka nanalavitra azy rehetra, nandeha nivoaka, nino ny teny fikasan’Andriamanitra. Voninahitra!

<sup>311</sup> Noho izany, ireo asa izay ataon’ny Fanahy Masina amin’izao andro izao, amin’ny alàlan’ireo fahitana ireo dia tsy diso mihitsy, tsy diso mihitsy ireo teny fikasana, ireo famantarana apostolika rehetra nampanantenaina ao amin’ny Baiboly, an’ny Malakia 4, sy, oh, ny Apokalypsy 10:7, tanteraka ny rehetra amin’izany; ary voaporofon’ny siantifikasi, amin’ny fomba hafa rehetra. Ary raha tsy niteny ny Fahamarinana taminareo aho, dia tsy ho nitranga ireo zavatra ireo. Fa raha niteny ny Fahamarinana taminareo aho, dia izy ireo no vavolombelona fa niteny ny Fahamarinana taminareo aho. Mbola Izy no tsy miova, omaly, anio, ary mandrakizay, ary eo am-pandraisana Ampakarina iray

ny fanehoan'Ny Fanahiny. Aoka io finoana io (fanambarana) hilatsaka ao am-ponareo, hoe "Izao ilay ora."

Ankehitriny ndao isika hivavaka.

<sup>312</sup> Andriamanitra malala, Izay voaseho tao amin'ny nofo tao amin'ilay olona Jesosy Kristy, izay nitsangana tamin'ny maty, ny andro fahatelo, araka ny Soratra, ka niakatra tany amin'ny Avo, ary naniraka an'ireo mpianatra hampianatra an'izao tontolo rehetra izao, ka nanao hoe, "Izao famantarana izao no hanaraka an'ireo izay mino."

<sup>313</sup> Andriamanitra, ho an'ilay fiangonana Pentekotista an'izao andro izao, ilay famerenana an'ireo fanomezam-pahasoavana; enga anie, Tompo, ireo olona ireo, manatrika eto angamba ny sasany amin'izy ireo, mihaino ny horonam-peo manodidina an'izao tontolo izao ny sasany amin'izy ireo, enga anie izy ireo hahalala fa fiantsoana ny Ampakarina hivoaka izao, fa tsy hafatra Pentekotista iray. Ny hafatra Pentekotista dia ny mamerina an'ireo fanomezam-pahasoavana ao amin'ilay Fiangonana. Fa antso fivoahan'ny Ampakarina ity, Hafatra hafa iray izay tsy maintsy tonga nialoha indrindra ny tsy maintsy nandorana an'i Sodoma. Aoka izy ireo hahazo, Andriamanitra malala. Ny Finoana, mino an'Izany aho, satria voambaran'Ny Fanahinao Izany tamin'ny alàlan'ny Tenin'Andriamanitra ary efa nohamarinina sy voaseho tamin'izao tontolo rehetra izao. Azo antoka tokoa, Tompo, ao amin'ny havitsiana, tahaka an'izany foana ireo Vondronao. Saingy hoy Ianao hoe, "Aza matahotra, ry ondry vitsy, fa sitraky ny Rainareo ny hanome anareo ny Fanjakana."

<sup>314</sup> Noho izany, mivavaka aho, Andriamanitra, mba hialan'ny olona amin'ny fahalalany, hialany amin'izay mety heverin'izy ireo ho marina, ka hijery ao amin'ny Soratra. Ary voateny omaly hariva hoe, aoka ny olona eto hieritreritra tahaka ny nataon'ilay mpanjakavavy tamin'ireo andron'ny fandravana lehibe an'i Babylon, hoy izy hoe, "Misy lehilahy iray eo anivonareo antsoina hoe 'Daniela,' izay ao amin'ny fanjakan'ny rainao. Tao amin'ny fanjakany ilay ray pentekotista, ary Izy no mpampisinda ny fisalasalana rehetra."

<sup>315</sup> Ary ankehitriny, Tompo, aoka ny Fanahy Masina izay tao amin'ilay fanjakana pentekotista, ilay fanjakana izay tao amin'ny an'i Martin Luther, izay tao amin'ny an'i John Wesley, sy-sy ny manaraka hatrany amin'i John Smith sy Alexander Campbell, ary nandritry ny taona. Izy no Mpampisinda, Izy no nampisinda an'ireo eritreritra. Ary ny-ny olona tamin'ny andron'i Luther, hoe ny olona, "Ny marina ho velon'ny finoana." Ny Metodista, Izy no nampisinda ny fisalasalana rehetra, hoe, "Izy ireo dia—izy ireo dia tsy maintsy hohamasinina," Ary tamin'ny andron'ny pentekosta, dia niteny tamin'ny fiteny tsy fantatra izy ireo, nanome an'ireo fanehoan'ny Fanahy tamin'ny

alàlan'ny fanasitranana avy amin'Andriamanitra sy ny sisa, Izany no nampisinda ny fisalasalana rehetra tao amin'ny fon'ny pentekotista. Fa, O Andriamanitra, nanao anaram-piagonana izy ireo. Niverina avy hatrany izy ireo mba haka ny hevit'olona. Noho izany, ankehitriny rehefa antsoina ilay Ampakarina araka ny Nampanantenanao an'izany eto amin'ny Soratra eto, mamaky an'Izany eo anatrehan'izao tontolo izao, isan-kariva, ka mandinika an'Izany amin'ny masonay izahay. Andriamanitra, enga anie Izany hampisinda ny fisalasalana rehetra ao ampon'ny olona. Enga anie izy ireo hanidina haingana eo amin'ilay Zanaka misokatra, mba ho masaka, mba ho entina any antsompittra fa tsy ho tavela ao amin'ilay taho ka ho dorana, fa enga anie izy ireo handeha ao amin'ilay sompittra izao hariva izao. Amin'ny Anaran'i Jesosy Kristy. Amena.

Misaotra anareo nohon'ny fifantohanareo. Aoka Andriamanitra no hiara-hiasa amin'ny fonareo.

<sup>316</sup> Ankehitriny, ianareo ve... Manana karatra fangataham-bavaka voazara isika. Ankehitriny, haka eo amin'ny roapolo minitra eo isika ankehitriny, ho an'ny laharam-bavaka. Tehilahatra haingana mihitsy isika, ka ho tonga eto amin'ny lampihazo ary hivavaka. Ary ankehitriny, tsy fantatro hoe firy ny karatra fangataham-bavaka voazara. Tsy nanontany zavatra iray tamin'i Billy mihitsy aza aho. Nilaza fotsiny aho hoe, "Ianao ve efa nizara... Mandehana any ary mizarà karatra fangataham-bavaka vitsivitsy." Dia niverina izy ary naka ahy sy ny reniny ary izy ireo, vao tsy ela teo mihitsy. Ankehitriny, izaho—izaho... dia...

<sup>317</sup> Eny, efa nanomboka tamin'ny zato ve ianao, na ny iray, ary ny iray ka hatramin'ny zato, sa inona? [Hoy Rahalahy Billy Paul hoe, "Iray ka hatramin'ny zato."—Mpand.] Iray ka hatramin'ny zato. Eny àry.

<sup>318</sup> Ndao isika haka ny karatra fangataham-bavaka nomerao iray. Raha manana azy ianareo dia atsangano ny tènanareeo mba ahafahako mahita. Raha tsy afaka ianareo... Raha afaka mitsangana ianareo... raha tsy afaka ianareo, dia haka anareo izahay. Karatra fangataham-bavaka nomerao iray, haingana mihitsy. Iza no manana an'izany? Inona no nolazainareo? A, nomerao iray. (miala tsiny aho) A, nomerao... Ity ramatoa eto ity, ianao ve no manana an'izany karatra izany? Avia eto avy hatrany, sitrakao ve ramatoa? A, nomerao roa. Manana an'izany ve ianareo, olona iray? Atsangano haingana ny tènanareeo. Eto avy hatrany, ramatoa, avia. Nomerao telo. Manana karatra iray ve? Manana karatra iray ve ianao? Tsy manana karatra ve ianareo rehetra, tsy misy iray manana karatra? Hah? Eny àry, tsy voatery hanana an'izany ianareo. Telo, efatra, dimy. A, iray, roa, telo, efatra, dimy. Ndao jerentsika, io ny iray, roa, telo, efatra, dimy. A... Eny àry, indro izy ireo... Dimy, enina, fito,

valo, sivy, folo. Eny àry, milahara tsara fotsiny, manomboha milahatra fotsiny.

<sup>319</sup> Ankehitriny, raha tsy afaka manatona ianareo, ahofahofaho tahaka an'izao ny tånanareo mba hahafahan'izy ireo haka anareo. Nanontany an'ireto olona eto ireto aho, izay tsy manana karatra... Tsy voatery hanana ianareo, manontany anareo fotsiny aho. Ankehitriny jereo, ianareo—ianareo olona kilemaina eto, atao fa tokony ho tonga aloha izy, satria, izy, niteny taminy fotsiny aho hoe, "aloha." Ankehitriny, tsy voatery hanana karatra iray ianareo, raha manana an'ilay finoana araka ny nampianariko. Hitanareo, raha voambara taminareo ilay izy, eny àry. Raha tsy voambara ilay izy, tsy mampaninona raha tao amin'ny laharam-bavaka roa ambin'ny folo aza ianareo, tsy hahavita na dia kely akory aza izany. Fantatrareo ve izany? Mino an'izany ve ianareo? Hitanareo? Mety mivavaka aho, manao izay rehetra azoko atao, mandohalika amin'ny lohaliko, ary mametra-tånama eo aminareo, manosotra diloilo anareo, amin'ny fanao rehetra izay tianareo, ary mivavaka. Raha tsy Andriamanitra, nohon'ny fahasoavana, no manambara an'izany ao am-ponareo, hoe "Tapitra ilay izy," amin'izay fotoana izay vao vita ilay izy. Tsy voatery ho ao anatin'ny laharana akory aza ianareo na aiza na aiza, vita ilay izy na ahoana na ahoana.

<sup>320</sup> Eny àry, efatra... Iray, roa, telo, efatra, dimy, enina, fito, valo, sivy, folo, iraika ambin'ny folo, roa ambin'ny folo, telo ambin'ny folo, efatra ambin'ny folo, dimy ambin'ny folo. Eny àry, enina ambin'ny folo, fito ambin'ny folo, valo ambin'ny folo, sivy ambin'ny folo, roapol. Misy olona iray izay nantsoiko ve ka manana karatra iray nefä tsy afaka mitsangana? Atsangano ny tånanareo, manana karatra iray nefä tsy afaka mitsangana. Eny àry.

... minoa fotsiny,

Afaka mahita an'i Anna Jeanne mahattra, kely, antitra mipetraka aho, mitendry an'izany ny alina manontolo, saiky, indray mandeha. Tiako ny rehetra tena hangina sy hanaja, araky ny fantatrareo.

... minoa fotsiny;

Ankehitriny, karatra fangataham-bavaka iray ka hatramin'ny dimy ambin'ny folo, mino aho fa izay ilay izy.

... minoa fotsiny,

Lasa mifanizina kely izy ireo eto, noho izany ndao isika—ndao isika hanomboka mihitsy. Inona no lazainareo?

... azo atao...

<sup>321</sup> Iray, roa, telo, efatra, dimy, enina, fito, valo, sivy, folo... Ankehitriny, maka betsaka loatra ianareo. Mihoatra nohon'ny nantsointsika izany. Mety tsara izany. Mipetraha tsara, eo amin'izay misy anareo fotsiny. Aoka tsy hisy anankiray

mihitsy . . . ianareo dia . . . Hivavahana ianareo, saingy fotsiny . . . Hitanareo, miandrasa fotsiny mandra-piantson'izy ireo ny nomeraonareo. Amin'izay fotoana izay, fantatrareo, isika—isika dia tsy hanana be loatra mitsangana eto. Raha tokony hanao zavatra ny Tompo, dia ho hajambainareo amin'izany ny olona ka tsy afaka hahita izy ireo, hitanareo. Andriamanitra hitahy anareo.

Ankehitriny ndao isika hivavaka ho an'ireto mosara ireto raha mbola mivonona izy ireo.

<sup>322</sup> Andriamanitra malala, indro ireto mosara mipetraka eto izay avy amin'ny marary sy ory. Io finoana izay vao avy noresahanay io, Tompo; tsaroako Ianao nilaza, ao amin'ny Baiboly, ao amin'ny Bokin'i Joda hoe, "Miaro mafy ny finoana izay voatolotra indray mandeha ho an'ny olo-masina." Ary avy tamin'ny vatan'ireo olo-masina no nakan'izy ireo an'ireo mosara, tsy hoe satria olona manokana izy ireo, fa satria olona nino izy ireo. Olon'ny zotom-po tahaka anay izy ireo. Hoy izy ireo hoe, "Elia" dia tahaka an'izany fa izy "nivavaka mafy mba tsy hilatsahan'ny orana." Ary, Andriamanitra, nivavaka an'izany izy mba hibebahan'ny olona. Nambaranao taminy izany mba hivavahana ho azy ireo, mba hivavahana amin'izany fanao izany hahatanteraka Ny Teninao. Tsy isalasalana fa naneho fahitana iray tamin'ilay mpaminany Ianao. Ary, Tompo, izao hariva izao dia mivavaka ho an'ireto olona ireto aho mba ho sitrana. Tsy Elia aho, efa nentina any An-danitra izy, fa mbola velona foana kosa ny Fiainany sy ny Fanahiny. Noho izany dia mivavaka izahay, Andriamanitra malala, mba Hanomezanao voninahitra an'ireo vavaky ny Olonao. Ary omeo voninahitra izahay rehetra ankehitriny raha hivavaka ho an'ireto mosara ireto, ka rehefa apetraka eo amin'ilay marary izany dia ho sitrana izy ireo.

<sup>323</sup> Fantatray, Ray, fa izahay dia—dia taranak'olona eo am-pahafatesana. Izahay dia mandroso . . . mifanatrika—mifanatrika amin'ny Mandrakizay. Lasa marary saina izao tontolo izao. Mpamono olona; notetehina potipotika sy voaolana ireo zazavavy kely. Ny olona, ireo lehilahy dia manao ny volony tahaka ny vehivavy, ireo vehivavy tahaka ny lehilahy, eo am-pahasimbania mihitsy izy ireo. Eo am-pahafatesana ilay taranaka. Eo am-pahafatesana izao tontolo izao. Eo am-pahafatesana ny zavatra rehetra. Eo am-pahafatesana ny fiangonana.

<sup>324</sup> O Andriamanitra, mitondrà Fiainana. Mitondrà Fiainana, O Andriamanitra, Fiainan'ny finoana. Ambarao amin'ireto olona ireto, Tompo. Afaka mivavaka fotsiny sy mametraka ny tànako eo amin'izy ireo aho. Fa Ianao no Tokana izay afaka manasitrana azy ireo, ary Ianao irery no afaka manasitrana azy ireo. Mivavaka aho mba Ianao no hanao, Ray, amin'ny tsirairay sy ny rehetra amin'izy ireo. Ekeo izany, miaraka amin'ny tànako eo

ambonin'izy ireo, sy mangataka amin'ny foko rehetra; amin'ny Anaran'i Jesosy Kristy, sitrano ireto olona ireto. Amena.

<sup>325</sup> Ankehitriny, velona ve ity fanamafisam-peo ity, rahalahy? Ankehitriny mandre an'izany tena tsara ve ianareo? Ny olona rehetra ve mandre an'izany? Atsangano ny tànanareeo. Eny àry. Ankehitriny, na ahoana na zavatra hafa, mankany amin'ireto olona eto ireto ny foko, mipetraka eo amin'io—io sezà io, fandrian'ny marary sy fitondra-marary...izy ireo “dia tsy nanana karatra fangataham-bavaka iray akory aza.” Hitanareo? Fa, jereo, rahalahy, hitanareo, manana karatra fangataham-bavaka ireto olona ireto, saingy tsy midika izany fa ho sitrana izy ireo. Misy olona mipetraka ao amin'ny mpanatrika, angamba, izany—izany—izany tsy midika fa izy ireo dia—izy ireo dia—izy ireo dia ho sitrana. Izany—izany tsy milaza fa—fa izy ireo dia ho na tsy ho sitrana. Izany rehetra izany dia miankina amin'ny finoan'izy ireo an'Andriamanitra. Firy no mahafantatra an'izany ho marina? Izay ihany, ny finoan'izy ireo an'Andriamanitra fotsiny. Eny, ankehitriny, firy no mahafantatra fa marina izany? Tsy mampaninona na mpivavaka toy ny ahoana aza ianareo, tsara toy ny ahoana na ratsy toy ny ahoana ianareo, raha tsy ny fahasoavan'Andriamanitra no mandatsaka an'izany ao am-ponareo, dia tsy ho salama mihitsy ianareo. Ankehitriny, firy no mahafantatra fa efa nanao an'izany Andriamanitra, nanao an'izany hatrany foana, ireo zava-mahagaga lehibe, famantarana sy fahagagana? Ary ankehitriny, tonga ianareo izao hariva izao, mitsangana ao amin'io laharana io, tsy hoe satria ianareo nonofidian'Andriamanitra hitsangana ao amin'io laharana io, tsy izany ilay izy; manana karatra fangataham-bavaka iray fotsiny ianareo, sendra eo amin'ny anareo fotsiny... [Elanelana tsy voaraki-peo—Mpand.]

<sup>326</sup> Ny fomba fanao dia tahaka ny Rahalahiko Gerholtzer hajaina eto marina mihitsy, rehefa nanomboka ny asampanompoany taona maro lasa izay. [Elanelana tsy voaraki-peo—Mpand.]...miaraka amin'ny finoana an'Andriamanitra, mino an'Andriamanitra, mino fa nanasitrana ny marary tamin'ny alàlan'ny finoana Andriamanitra. Ary tsy niova mihitsy izany, fa Andriamanitra dia nanampy ao amin'izao andro farany izao, an'ireo fanomezam-pahasoavana, ireo fanomezam-pahasoavana izay Nampanantenainy. Nanao an'izany Andriamanitra sa....tsy hoe satria voatery Izy, fa satria Izy no nampanantena. Ary raha Izy no nampanantena, amin'izay fotoana izay dia Izy no tsy maintsy hanao an'ilay izy; satria tsy maintsy mihazona Ny Teniny Izy.

<sup>327</sup> Ary Izy no nampanantena anareo an'ilay zavatra iray ihany, izany hoe, “Raha mety hino an'izany ianareo dia hitranga izany.” Raha tsy mety mino an'Izany ianareo, dia tsy hitranga mihitsy izany. Ankehitriny, tsy afaka manao anareo hino aho, tsy afaka ihany koa hanao ny tenanareo

hino. Andriamanitra no tsy maintsy manome an'izany ho anareo. Fanomezan'Andriamanitra izany, ny mino. Tsy ny finoanareo, fa ny finoan'Andriamanitra. Mety mino tsara an'ilay izy ny finoanareo ara-tsaina, saingy raha tsy ny finoan'Andriamanitra no ao am-ponareo... Hitanareo, afaka manaiky an'ilay izy ny finoanareo ara-tsaina, manao an'izany. Fa manohiza mino an'ilay izy fotsiny amin'ny fonareo rehetra mandra-panambaran'Andriamanitra azy aminareo. Hitanareo? Manohiza mino fotsiny mandra-panambaran'Andriamanitra azy. Fa mandra-Panambarany an'ilay izy...

<sup>328</sup> Hoy ianareo hoe, “Rahalahy Branham, inona izany lazainao izany?”

<sup>329</sup> “Eny, tompokeo!” Andriamanitra dia nandefa mpaminany iray tamin'i Hezekia ka niteny taminy hoe, ““Tsy ho tafiala amin'io fandriana io ianao,’ HOY NY TOMPO HOE. ‘Ho faty eo ambonin'io fandriana io ianao.”” Marina ve izany?

<sup>330</sup> Fa ilay mpaminany dia nanatodika...na nanatodika ny tavany tany amin'ny rindrina ilay mpanjaka, ary nitomany mafy tamin-dranomaso, ka nanao hoe, “Tompo, mila dimy ambin'ny folo taona amboniny aho. Miangavy Anao aho, Tompo, mba handre ahy.” Ankehitriny, ny mpanjaka no olona lehibe indrindra eto amin'izao tontolo izao, ao amin'ny politika; saingy, ny mpaminany no izy, eo imason'Andriamanitra. Izany no mpanjakan'Andriamanitra; saingy izy dia mpaminanin'Andriamanitra. Noho izany, Andriamanitra no nanambara tamin'ilay mpaminany mba haka sasany... hampangotraka sasany... [Elanelana tsy voarakipeo—Mpand.] Fantatrareo, azonareo ve?

<sup>331</sup> Ankehitriny, mba ahafahanareo mahazo ankehitriny, satria nitory ny Soratra aho eto hoe, “Tahaka ny tamin'ny andron'i Sodoma, dia ho toy izany koa amin'ny fiavian'ny Zanak'olona.” Amin'ny andro izay hahavoambara ny fiangonana ve? Tsia! “Amin'ny andro izay hahavoambara ny Zanak'olona.” Inona no atao hoe *voambara*? Nampahafantarina! Marina ve izany? Manambara! Ny andro izay hahavoambara ny Zanak'olona, izany no ho andro iray tahaka an'i Sodoma sy Gomora. Marina ve izany?

<sup>332</sup> Ankehitriny, jereo izay nitranga. Nanana iraka roa lehibe izy ireo, tany Sodoma sy Gomora tany, satria nisy andiana Kristiana matimaty tany. Marina ve izany? Ary nanana iraka lehibe roa izy ireo (ankehitriny henoy tsara) tany Sodoma sy Gomora, nitory teny. Fa ny anankiray tamin'izy ireo nijanona teto niaraka tamin'ny vondron'i Abrahama. Marina ve izany?

<sup>333</sup> Jereo ankehitriny! Tsy manana mihitsy isika, ao amin'ny tantaran'ny fiangonana rehetra, tsy mba nanana iraka maneran-tany iray ho an'ny fiangonana ka ny anarany dia niafara tamin'ny h-a-m, hatramin'izao: G-r-a-h-a-m, izay litera enina,

G-r-a-h-a-m. Fa ny anaran'i Abrahama dia tononina hoe: A-b-r-a-h-a-m, litera fito. Hitanareo? Noho izany ilay fiangonana maneran-tany, izay literan'olona, enina, rafi-pandaminana nataon'olona, dia efa nahazo ny irany. Izy ireo dia nanana Sankey iray, Moody, Finney, Knox, Calvin, sy ny sisa, saingy tsy "h-a-m" iray mihitsy. Marina ve izany? Fa manana an'izany izy ireo, ary iraka iray izy, nirahina avy tamin'Andriamanitra, ary mandrodana an'ireo rindrina ireo mafy arak'izay vitany izy hoe, "Mivoaha avy eto! Mibebaha fa raha tsy izany dia levona!"

<sup>334</sup> Fa tsarovy, ilay Voafidy, voafidy mialoha, fanekeva voatendry mialoha, Abrahama sy ny vondrony, dia nahazo Iraka iray, ihany koa. Ah-hah. Diniho izay Nataony. Nomeny famantarana iray izy ireo hoe akaiky ny fotoana hilatsahan'ny afo. Ankehitriny, afo no andrasantsika ankehitriny, afo atomika, ilay fahatezeran'Andriamanitra.

<sup>335</sup> Ankehitriny, nanao zavatra anankiray io Iraka io. Niresaka ny amin'ny vehivavy iray Izy izay Nanatodihany ny Lamosiny, ary niteny taminy—ary niteny taminy fa nisalasala tamin'izay Nolazainy izy, niteny taminy an'ireo toerany sy izay hitranga. Marina ve izany? Nilaza ve Izy fa ho tahaka an'izany no hanambaran'ny Zanak'olona ny Tenany amin'izany andro izany? Eny, mino ve ianareo fa izany no Fahamarinana?

Eny, indro mitsangana ny vehivavy iray, . . .

<sup>336</sup> Ary ao amin'ilay firaisansa tsy hita mason'ny Fiangonana, ny Ampakarina amin'i Kristy, eto io Iraka io ankehitriny, dia Jesosy Kristy, ilay tsy miova omaly, anio, ary mandrakizay.

<sup>337</sup> Ankehitriny, amin'ny alàlan'ireo Mpaminaniny irery ihany Izy no miteny. Ny Baiboly no niteny an'izany! "Tsy manao na inona na inona mihitsy Izy raha tsy efa Nampahafantariny tamin'ireo Mpaminaniny aloha izany," Amosa 3:7. Izany foana no Nataony. Tsy manova ny Modeliny mihitsy Izy. Hitanareo? Ary ilay mpaminany dia afaka miteny fotsiny ihany, raha marina izy, an'izay tenenin'Andriamanitra aminy. Marina ve izany? Marina izany.

<sup>338</sup> Ankehitriny, mino ve ianareo fa afaka miteny amiko Izy hoe inona no olana amin'ity ramatoa ity alohan'ny hijerekko azy akory aza? Mino an'izany ve ianareo? Nahoana, mijaly amin'ny homamiadana izy. Marina izany. Ao amin'ny nonony izany. Manana zazalahy iray izy, ao an-tsainy, mijaly amin'ny karazana aretin-tsaina iray izy, aretin'ny fikorontanan-tsaina, sy fahasarotana. Marina izany. Mino an'izany ve ianao? Ary marina izany, sa tsy izany? Mino ve ianao fa ny finoanao, amin'ny filazana an'izany, dia namikitra, fa azonao izany, ho azonao izany? Noho izany mandehana, ary ny Tompo Jesosy no hanao anao ho salama. Hitanareo? Hia. Hitanareo? Mino ve ianao? Amin'ny fonao rehetra ve?

<sup>339</sup> Ankehitriny, mino ve ianareo, tsy mijery an'ity vehivavy ity, fa ny Tompo Jesosy dia afaka miteny amiko hoe inona ny aretiny? Firy no mino an'izany? Ankehitriny, fantatralre... ary izaho mihitsy aza tsy... izaho... zavatra tokana, mahita zipo iray fotsiny aho. Tsy fantatro, tsy afaka hiteny aho na lehilahy ilay izy na vehivavy; fa mitsangana eo fotsiny. Tiako hino izy. Mino ve ianao, ramatoa? Eto, ilay marary, mino ve ianao? Atsangano ny tanaao raha mino ianao. Raha mino amin'ny fonao rehetra ianao, dia afaka mahazo an'io zaza izay angatahanao amin'Andriamanitra io. Hitanareo? Hitanareo? Mino ve ianao? Manana finoana an'Andriamanitra ve ianao? Ankehitriny, tsy manasitrana izany, manondro fotsiny izany. Izany no asa izay manondro an'ilay finoana an'ny Fanatrehan'Andriamanitra, Ny Teniny tonga voaseho.

<sup>340</sup> Ity vehivavy ity dia mila zavatra lehibe iray, ihany koa. Tsy zaza iray izany, fa mila ny Batsian'ny Fanahy Masina izy. Ho lazaiko anao izay hatao: Raha afaka miala amin'ireo sigara ireo ianao, dia hanome anao ny Batsian'ny Fanahy Masina Andriamanitra. Mandehana, minoa an'Izany, hitanao. Mino ve ianao? Manana finoana an'Andriamanitra ve ianao?

<sup>341</sup> Ity lehilahy mitsangana eto ity, dia lehilahy iray izay tsy mbola hitako mihitsy teo amin'ny fiainako. Tsy mahafantatra azy aho, saingy mijaly amin'ny zavatra ratsy iray izy ao amin'ny tratrany. Tratry ny fianjerana iray izy izay nanao an'izany, vao tsy ela akory izay. Tsy avy eto izy, avy any Arkansas izy. Mpitory teny iray izy. Mandehana mody, torio ny Filazantsara. Hitanareo? Hitanareo? Hitanareo? Tsy mbola nahita an'ilay lehilahy teo amin'ny tarehiny mihitsy aho.

<sup>342</sup> Misy vehivavy iray mitsangana eto, tsy fantatro ilay vehivavy, tsy mbola nahita azy mihitsy teo amin'ny fiainako. Andriamanitra no mahafantatra azy.

<sup>343</sup> Raha afaka manambara amiko Izy hoe inona ny aretiny, na zavatra mikasika an'izany, dia hino ve ianareo? Ianareo rehetra? Asa iray fotsiny ihany izao izay manondro an'ilay finoana izay ananako mba history an'izay noteneniko taminareo, izao hariva izao. Izany no nambaran'Andriamanitra, ary izao no asa manaporofa an'Izany. Ankehitriny, tsy maintsy manana finoana ianareo mba ho salama.

<sup>344</sup> Ity vehivavy eto ity, izaho tsy—izaho tsy mihevitra fa mahafantatra azy. Eny, tsy mahafantatra azy aho fa fantatro ny olona iray izay mahafantatra azy, satria mahita azy mitsangana eto anatrehako eto aho. Mijaly amin'ny aretin'andoha izy. Tsy marina ve izany, ramatoa? Mino ve ianao fa hanasitrana anao Andriamanitra? Anabavin'i Pearry Green. Marina izany. Tsy mbola nahita azy mihitsy aho teo amin'ny fiainako. Marina izany. Nahita an'i Pearry Green nitsangana teto aho, njery ah, nandeha tahaka an'izao. Avia fotsiny, hitanao. Marina. Tsy

fantatro hoe aiza i Pearry Green. Mino ve ianao? Hatraiza ny finoanaao? Raha mety mino ianao, dia azo atao ny zavatra rehetra. Raha tsy mety mino ianao, dia tsy misy na inona na inona afaka hitranga.

<sup>345</sup> Ilay ramatoa kely miaraka amin'ny volo fotsy, mipetraka eo mijery ahy, eto mihitsy, mino an'Andriamanitra ve ianao? Mino ve ianao fa afaka manambarara amiko Andriamanitra hoe inona no eritreretinao eo? Misy fivontosana iray ao amin'ny nono. Mino ve ianao fa afaka manaisotra an'izany ho anao Andriamanitra? Eny. Manana finoana ary minoa. Ankehitriny, inona no nokasihany?

<sup>346</sup> Ilay vehivavy izay nikasika ny sisin'Akanjony, ny Baiboly dia nilaza... Ianareo izay te-hijery ny Baiboly, hoy Izy hoe, "Izy no Mpisoronabe izay azo kasihan'ny fahatsapan'ny fahalementsika." Tsy marina ve izany? Izy io Mpisoronabe io ary mitsangana eto mihitsy Izy; eo am-pikasihana Azy ireo olona ireo.

<sup>347</sup> Io misy vehivavy kely iray, mahia, izay nanangana ny tànany, mipetraka eto mihitsy. Tsy mbola nahita azy mihitsy aho teo amin'ny fiainako, saingy vao avy nahakasika Zavatra iray izy. Izao ilay izy. Mivavaka amin'Andriamanitra izy. Manana aretina ao amin'ny tratrany izy, manana aretim-bavony koa. Nanasitrana anao Andriamanitra, raha hino an'Izany ianao. Tsy maintsy mino ianao. "Ny zavatra rehetra dia azo atao ho an'ireo izay mino."

<sup>348</sup> Misy lehilahy iray mipetraka ery amin'ny farany aorianae ery, mijery mankaty (eo amin'ny laharana faharoa, mankany amin'ity), mijaly amin'ny sohika. Mino ve ianao fa hanasitrana anao Andriamanitra, tompoko? Raha mino an'Izany ianao, dia hanao anao ho salama Andriamanitra. Afaka mahazo an'izay ilainao ianao, raha mino an'Izany.

<sup>349</sup> Misy vehivavy iray mipetraka eto mihitsy, mijery ahy, eto am-pita eto, fotsy volo. Raha mino amin'ny fonao rehetra ianao... Mino an'Izany ve ianao? Eny àry, hiala aminao io aretin'ny afero io amin'izay fotoana izay, raha mino an'Izany ianao.

<sup>350</sup> Inona no neverinao mikasika an'Izany, mandry eto ao amin'ny fandrian'ny marary? Mino ve ianao fa afaka manasitrana anao Andriamanitra? Raha hiteny amiko ny aretinao Andriamanitra, dia hino Azy ve ianao? Raha hino ianao, dia hiala aminao io homamiadana io ary ho salama ianao. Nahoana ianao no tsy mitsangana, ary mandray ny fandrianao, ka mandeha mody? Mino ve ianao? Hino ve ianareo rehetra? Eny, ankehitriny, ahoana ny amin'izao ankehitriny izao? Nandrotsaka an'io finoana io tao am-ponareo ve Andriamanitra? Ny olona rehetra ato, atsangano ny tànanareo. Raha nandrotsaka an'io finoana io tao am-ponareo Andriamanitra, dia ndao isika hametraka ny tànantsika eo amin'ny anankiray hafa, manerana an'ity laharana eto ity mihitsy. Apetraho ny tànanareo eo... Izao

ankehitriny izao, haingana, raha mbola mihetsika ny Fanahy Masina, apetraho eo amin'ny anankiray hafa ny tånanareo. Mitsangana ilay lehilahy, mihazakazaka manerana an'ilay laharana, mivavaka ho an'ny hafa.

<sup>351</sup> Ndao isika hitsangana ka hanome ny dera ho an'Andriamanitra, ny olona rehetra. Tsy ilaina ny mandeha lavidavitra. Tondroy Jesosy Kristy ilay tsy miova omaly, anio, ary mandrakizay. Ianareo, inona ireo fijalianareo, na inona na inona ilay izy, raha mino Azy ianareo, dia mitsangàna, izao ankehitriny izao, ka minoa.

<sup>352</sup> Andriamanitra Tsitoha, ilay Andriamanitr'i Abrahama, ilay Andriamanitr'i Isaka, ilay Andriamanitr'i Jakoba, iraho ny Herinao ka sitrano ity vondron'olona ity izao ankehitriny izao, amin'ny Anaran'i Jesosy Kristy. Amena.

Voninahitra ho an'Andriamanitra! Andriamanitra hitahy anareo.



*IREO ASA NO FINOANA VOASEHO* MAG65-1126  
(Works Is Faith Expressed)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Zoma hariva, 26 Novambra 1965, tao amin'ny Life Tabernacle ao Shreveport, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2016 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)